

BESTELAKO XEDAPENAK

INDUSTRIA, TRANTSIZIO ENERGETIKO ETA JASANGARRITASUNAREN SAILA

3894

EBAZPENA, 2025eko ekainaren 24koa, Ingurumeneko sailburuordearena, zeinaren bidez ingurumen-inpaktuaren txostena formulatzen baita eta ingurumen-baimen bakarra ematen baitzaio hondakin arriskutsuak eta ez-arriskutsuak kudeatzeko instalazioari, PHS Serkonten SAUk sustatua, Atxukarro industrialdea 2 helbidean, Arrigorriagako udal-mugartean (Bizkaia).

AURREKARIAK

2021eko abenduaren 31n, abenduaren 9ko 10/2021 Legea argitaratu zen, Euskadiko Ingurumen Administrazioarena.

2022ko apirilaren 9an, apirilaren 8ko 7/2022 Legea argitaratu zen, Hondakinak eta lurzoru kutsatuak arautu eta ekonomia zirkularra bultzatzekoa.

2023ko azaroaren 22an, PHS Serkonten SAUk ingurumen-baimen bakarraren eskabidea aurkeztu zuen, Arrigorriagako udal-mugarteko Atxukarro industrialdea 2 helbidean hondakin arriskutsuak eta ez-arriskutsuak kudeatzeko instalazio-proiekturako, Euskadiko Ingurumen Administrazioaren abenduaren 9ko 10/2021 Legean xedatutakoaren arabera. 2024ko apirilaren 12an, 2024ko azaroaren 15ean eta 2024ko abenduaren 12an, dokumentazio-ekarpen gehiago egin zizkion eskabideari.

Eskabidearekin batera, dokumentazio tekniko hau aurkeztu zuen:

- Ingurumen-baimen bakarrerako memoria teknikoa.
- Lurzoruaren egoerari buruzko aurretiazko txostena.
- Hirigintza-bateragarritasunari buruzko txostena.
- Ingurumen-dokumentua.
- Laburpen ez-teknikoa.
- Autobabes Plana eta Larrialdiei Aurre Egiteko eta Meteorologiako Zuzendaritzan erregistratzea.

2024ko maiatzaren 30ean, Ingurumen Jasangarritasunaren sailburuordeak ebazpen bat eman zuen, zeinaren bidez baimena ematen baitzen hondakinak lekualdatzeko Arrigorriagako Atxukarro industrialdea 2 helbidean kokatutako instalazioa aurretiaz ikuskatzeko; hau da, PHS Serkonten SAUk egindako ingurumen-baimen bakarraren eskabidearen xede zen instalazioa.

2024ko ekainaren 12an, ingurumen-organoko zerbitzu teknikoek instalazioa ikuskatu zuten, eta ikuskapenaren emaitza jasotzen duen 6515 zenbakiko akta egin zuten, instalazioak aurkeztutako proiektuaren eta ebazpen honetan xedatutakoaren arabera eraikita eta hornituta daudela egiaztatzeko, bai eta 7/2022 Legearen 33.7 artikuluan xedatutakoarekin bat etorritz ere (7/2022 Legea, apirilaren 8koa, Hondakinak eta lurzoru kutsatuak arautu eta ekonomia zirkularra bultzatzekoa).

Aurkeztutako dokumentazioa nahikoa zela egiaztatu ondoren, Ingurumen Administrazioaren zuzendariaren 2025eko urtarrilaren 17ko iragarkiaren bidez, erabaki zen PHS Serkonten SAUk

sustatutako proiektua 30 egun balioduneko epean jendaurrean jartzea, egoki iritzitako alegazio guztiak aurkezteko. Hala, 2025eko urtarrilaren 31n Euskal Herriko Agintaritzaren Aldizkarian eta Eusko Jaurlaritzaren Iragarki Taulan argitaratu zen.

Jendaurreko informazioaren izapidea amaitu ondoren, alegaziorik ez zela aurkeztu egiaztatu zen.

Euskadiko Ingurumen Administrazioaren abenduaren 9ko 10/2021 Legearen 37., 38. eta 39. artikuluetan xedatutakoa aplikatuz, 2025eko urtarrilaren 31n, Eusko Jaurlaritzako Ingurumen Administrazioaren Zuzendaritzak txostenak eskatu zizkien Arrigorriagako Udalari, Bilbao Bizkaia Ur Partzuergoari, Larrialdiei Aurre Egiteko eta Meteorologiako Zuzendaritzari eta Osasun Publikoaren eta Adikzioen Zuzendaritzari.

2025eko otsailaren 11n, Bilbao Bizkaia Ur Partzuergoaren txostena jaso zen, eta 2025eko otsailaren 20an, berriz, Osasun Publikoaren eta Adikzioen Zuzendaritzarena. Eskatutako gainerako txostenak, ordea, ez ziren jaso.

2025eko martxoaren 18an, Ingurumen Ebaluazioko Zerbitzuak ingurumen-inpaktuaren txostena egin zuen. Txostenaren arabera, ingurumen-baimen bakarrean ustiapen-faserako ezarritako babes- eta zuzenketa-neurriak hartzen badira, ez da aurreikusten ingurumenean eragin negatibo adierazgarririk sortuko denik proiektua gauzatzearen ondorioz. Beraz, ez da beharrezkotzat jotzen ingurumen-inpaktuaren ebaluazio arrunta egitea Arrigorriagan PHS Serkonten SAUK sustatutako hondakin arriskutsuak eta ez-arriskutsuak kudeatzeko eta ingurune profesionaletan higiene-zerbitzuak emateko instalazioaren proiekturako.

2025eko apirilaren 28an, Euskadiko Ingurumen Administrazioaren abenduaren 9ko 10/2021 Legearen 40. artikulua aplikatuz, ebazpen-proposamena helarazi zitzaion PHS Serkonten SAUri, eta jarduerak ez zuen alegaziorik aurkeztu.

ZUZENBIDEKO OINARRIAK

Euskadiko Ingurumen Administrazioaren abenduaren 9ko 10/2021 Legearen 1. artikuluan xedatutakoaren arabera, lege horren xedea da Euskal Autonomia Erkidegoko ingurumena babesteko, kontserbatzeko eta hobetzeko arau-esparrua ezartzea.

Legeak ingurumenean eragina duten jardueren antolamendua arautzen du, ingurumena babesteko araudi sektorialean ezarritako administrazio-prozedurak sinplifikatzeko eta bateratzeko premisapean. Hala, bertan xedatzen diren baldintzak eta eskakizunak jasotzen ditu, eta ezabatu egiten ditu jarduerak garatzeko egon daitezkeen oztopo juridiko eta administratiboak. Era horretan, Administrazioak esku hartzeko sistema berri bat ezartzen da legearen I.B eranskinean jasotako jarduera eta instalazioetarako, ingurumen-inpaktuei aurrea hartzeko neurri guztiak bilduko dituen administrazio-ebazpen bakarreko prozedura bakarra egon dadin.

Euskadiko Ingurumen Administrazioaren abenduaren 9ko 10/2021 Legearen 19. artikuluan xedatutakoa betez, ingurumen-baimen bakarraren mende egongo da I.B eranskinean jasotako jardueraren bat garatzen duten titulartasun publikoko edo pribatuko jarduera eta instalazioen ustiapena.

Euskadiko Ingurumen Administrazioaren abenduaren 9ko 10/2021 Legearen 32. artikuluan xedatutakoari jarraikiz, baimen hori instalazioak eraiki, muntatu edo lekualdatu baino lehen eskeratu beharko da beti, eta instalazioetan egingo diren aldaketetara egokituko da.

Ingurumen-baimen bakarraren bitartez, egintza bakarrean bilduko dira, eta Euskal Autonomia Erkidegoko ingurumen-organoak aurretiaz egindako administrazio-prozedura bakarrean, hondakinak ekoizteko eta kudeatzeko baimenak, kolektorera, jabari publiko hidraulikora eta itsasoko eta lehorreko jabari publikora eginiko isurien baimenak eta atmosferara eginiko isurpenen baimenak, eta dagozkien isurpenen muga-balioak ezarriko dira, aplikatzekoa den araudi sektorialak xedaturikoaren arabera.

PHS Serkonten SAUK, ingurumenaren arloko zehaztapenen artean, honako baimen hauek behar ditu: hondakinak sortu eta kudeatzeari dagokiena eta kolektorera egindako isurketei eta atmosferarako emisioei buruzkoak. Espedientean, beste Administrazio eta organismo eskudun batzuek ere nahitaezko txostenak eginez parte hartu dutela jasotzen da.

Instalazioaren balizko gai kutsagarrien emisioen muga-balioak nahiz instalazioa ustiatzeko beste baldintza batzuk ezartze aldera, eta ingurumena oro har ahalik eta gehien babesteko, ebazpen hau egitean kontuan hartu dira teknika erabilgarri onenen erabilera, baita aplikatzekoa den arloko legerian ezarritako neurriak eta baldintzak ere.

Azaldu dugun guztia aintzat hartuta, espedientean jaso den informazioa aztertutakoan ebazpen-proposamena egin zen, eta bertan jaso ziren PHS Serkonten SAUK sustatutako jarduerari aplikatu beharreko baldintzak.

Goian adierazitako izapideak aipatu dugunaren arabera amaituta, entzunaldi-izapidea bete da, Euskadiko Ingurumen Administrazioaren 10/2021 Legearen 40. artikuluan jasotzen denari jarraikiz.

Euskadiko Ingurumen Administrazioaren abenduaren 9ko 10/2021 Legearen 43. artikulua, «Ingurumen-baimen bateratuaren eta ingurumen-baimen bakarraren edukia» izenekoak, honako hau ezartzen du bigarren apartatuan:

2.– Ingurumen-baimen bakarrak honako hau jasoko du, gutxienez:

- a) Substantzia kutsakorretarako isurpenen mugako balioak eta, hala badagokio, lurzorua eta lurpeko urak babestea bermatzen duten preskripzioak.
- b) Instalazioak sortutako hondakinen kudeaketarako erabiliko diren prozedura eta metodoak, hondakinen kudeaketarako hierarkia kontuan izanda.
- c) Hala badagokio, erkidego arteko edo mugaz gaindiko distantzia luzeko edo mugaz gaindiko eremuetan ondorio negatiboa duen kutsadura minimizatzea bermatzen duten preskripzioak.
- d) Isurpen eta hondakinak tratatzeko eta kontrolatzeko sistemak eta prozedurak, neurketa-metodologia, maiztasuna eta neurketak ebaluatzeko prozedurak zehaztuta.
- e) Ingurumenari eragin diezaioketen eta normalak ez diren egoeretako ustiapen-baldintzei buruzko neurriak, hala nola abian jartzea eta geratzea, ihesak, funtzionamendu-akatsak eta aldi baterako geldialdiak.
- f) Instalazioaren itxiera egiteko baldintzak.
- g) Aplika daitekeen legedi sektorialak ezarritako edozein neurri edo baldintza, edo Euskal Autonomia Erkidegoko ingurumen-organoak arrazoituta emandakoak.

Kontuan hartu dira: Sailburuordetza honen 2025eko apirilaren 28ko Ebazpen-proposamena; 10/2021 Legea, Euskadiko Ingurumen Administrazioarena; 7/2022 Legea, apirilaren 8koa, Hondakinak eta lurzoru kutsatuak arautu eta ekonomia zirkularra bultzatzekoa; 4/2015 Legea, ekainaren

25ekoa, Lurzorua kutsatzea saihestu eta kutsatutakoa garbitzekoa; 18/2024 Dekretua, ekainaren 23koa, lehendakariarena, Euskal Autonomia Erkidegoko Administrazio Orokorreko sailak sortu, ezabatu eta aldatzen dituen eta sail bakoitzaren egitekoak eta jardun-arloak finkatzen dituen; 410/2024 Dekretua, abenduaren 3koa, Industria, Trantsizio Energetiko eta Jasangarritasun Sailaren egitura organikoa eta funtzionala ezartzen duena; 39/2015 Legea, urriaren 1ekoa, Administrazio Publikoen Administrazio Prozedura Erkidearena, eta aplikatzekoa den gainerako araudia.

EBAZTEN DUT:

Lehenengoa.– Ingurumen-inpaktuaren txostena formulatzea PHS Serkonten SAUK Arrigorriagako udal-mugar-tean sustatutako hondakin arriskutsuak eta ez-arriskutsuak kudeatzeko proiekturako, ebazpen honen hirugarren eta laugarren apartatuetan ezarritako baldintzekin.

Bigarrena.– Zehaztea ezen, lehenengo puntuan ezarritako baldintzen arabera, eta betiere ebazpen honetan ezarritako babes- eta zuzenketa-neurriak hartzen badira, bai eta sustatzaileak planteatutakoak ere –aurrekoen aurkakoak ez diren heinean–, ez dela aurreikusten ingurumenean eragin negatibo adierazgarririk sortuko denik proiektua gauzatzearen ondorioz. Beraz, ez da beharrezkotzat jotzen ingurumen-inpaktuaren ebaluazio arrunta egitea Arrigorriagako udal-mugar-tean PHS Serkonten SAUK sustatutako hondakin arriskutsuak eta ez-arriskutsuak kudeatzeko proiekturako.

Hirugarrena.– PHS Serkonten SAU_{ri} (IFK: A48148647) ingurumen-baimen bakarra ematea Arrigorriagako udal-mugar-tean (Bizkaia) Atxukarro industrialdea 2 helbidean hondakin arriskutsuak eta ez-arriskutsuak kudeatzeko instalaziorako, eta ebazpen honen eranskinetan baldintzak eta eskakizunak ezartzea ustiapenerako eta jarduteari uzteko.

Laugarrena.– Ebazpen honen eranskinetan zehazten diren baldintzak eta eskakizunak ezartzea PHS Serkonten SAUK Arrigorriaga udal-mugar-tean (Bizkaia) sustatutako hondakin arriskutsuak eta ez-arriskutsuak kudeatzeko instalazioaren ustiapenerako eta jarduteari uzteko.

Bosgarrena.– AAU01082 erregistro-kodea eta NIMA 4820221955 esleitzea PHS Serkonten SAUK Arrigorriagako udal-mugar-teko (Bizkaia) Atxukarro industrialdea 2 helbidean ustiatutako instalazioari. Hona hemen kokapena: UTM (ETRS89) 30N, X: 508913,89 Y: 4784765,16

Seigarrena.– PHS Serkonten SAU_{ri} eskatzea erantzun bat eman diezaiela, adierazitako epean, gai hauei:

Hiru hilabeteko epean:

– Erantzukizunpeko adierazpena, non aseguruaren zenbatekoa edo finantza-berme baliokidea zehazten den aldatutako ingurumena konpontzeko eta berreskuratzeko kostuak estaltzeko, 7/2022 Legean aurreikusitakoaren arabera (7/2022 Legea, apirilaren 8koa, Hondakinak eta lurzoru kutsatuak arautu eta ekonomia zirkularra bultzatzekoa); edo, hala badagokio, finantza-berme hori eratzeko salbuespena.

Finantza-berme horren zenbatekoa finkatzeko edo salbuespena ezartzeko, ingurumen-arriskuen analisia (IAA) egin behar da, ingurumen-erantzukizunari buruzko araudian adierazitakoarekin bat etorritz.

Jakinarazpenak jasotako edo harekin batera aurkeztutako datuak, adierazpenak edo dokumentuak zehatzak ez badira, faltsututa badaude edo funtsezko zerbait agertzen ez bada, edo horrelakorik aurkezten ez bada, ezin izango da jarduera egiten jarraitu gertakari horien berri izaten

den unetik, kasu horretan egon litezkeen erantzukizun penal, zibil edo administratiboei kalterik egin gabe.

Eskatutako dokumentazio hori guztia «Nire Karpeta» atalaren bidez aurkeztuko da, AAU01082_SOL_2023_001 espedientearen barruan. Espediente hori itxita badago, dokumentazioa aurkezteko espediente bat irekiko da, Euskal Autonomia Erkidegoko Administrazio Orokorrak eskura jarritako aplikazio informatikoaren bidez, eta adieraziko da aipatutako hasierako eskabide-espedienteari lotutako dokumentazioa dela.

Zazpigarrena.– Instalazioetan edozer aldaketa egiteko, eskaera egin beharko da, edo horren berri eman beharko da, Euskal Autonomia Erkidegoko ingurumen-informazioko sisteman, Euskadiko Ingurumen Administrazioaren abenduaren 9ko 10/2021 Legearen 46. artikuluan (funtsezko aldaketak) eta 47. artikuluan (ez-funtsezko aldaketak) ezarritakoaren ondorioetarako, artikuluhorietan kasuan-kasuan eskatzen den informazioa adierazita.

Sustatzaileak aldaketa bat funtsezkoa ez dela justifikatzeko dokumentazioaren kasuan, ingurumen-organoak aztertu eta kalifikatu egingo du eskatutako aldaketa, eta funtsezkoa den edo ez ebatziko du.

Halaber, proiektua aldatzen den kasuetan, Ingurumen Ebaluazioari buruzko abenduaren 9ko 21/2013 Legearen 7.1.c eta 7.2.c artikuluetan xedatutakoa aplikatuko da.

Baldin eta aldaketak lurzoru berria okupatzea aurreikusten badu eta aipatutako lurzoruak lurzoru kutsa dezaketen jarduerak edo instalazioak baditu edo izan baditu, aldaketa gauzatu aurretik, hartu beharreko kokalekuaren lurzoruaren kalitatearen arloko deklarazioa eduki beharko da, Lurzorua kutsatzea saihestu eta kutsatutakoa garbitzeko ekainaren 25eko 4/2015 Legean ezarritakoarekin bat etorritik.

Zortzigarrena.– Administrazioarekiko harremanez arduratuko den pertsonaren gainean Ingurumen Sailburuordetzari eman dizkion datuetan aldaketarik balego, PHS Serkonten SAUK aldaketa horien berri emango du.

Bederatzigarrena.– Ingurumen-baimen bakarraren indarraldia mugagabea da, eta Euskal Autonomia Erkidegoko ingurumen-organoak aldian-aldian berrikusiko du, ingurumen-baimenen aurrerapen-klausulari jarraikiz.

Aurrekoa gorabehera, ebazpen honetan hondakinak tratatzeko jarduerari buruz jasotako baldintzen indarraldia automatikoki berrituko da zortzi urtean behin, agintari eskudunek aldeko ikuskapena egin ondoren.

Ingurumen-baimen bakarraren berrikuspena ofizioz egingo da honako kasu hauetan:

- a) Instalazioak eragindako kutsaduraren ondorioz ezarritako emisioen muga-balioak berrikus-tea edo berriak hartzea komeni denean.
- b) Emisioak nabarmen murriztu daitezkeenean, teknika erabilgarri onenetan egindako aldaketa handien ondorioz gehiegizko kosturik izan gabe.
- c) Prozesuaren edo jardueraren funtzionamendu-segurtasuna dela-eta beste teknika batzuk erabili beharra dagoenean.
- d) Teknika erabilgarri onenak erabiliz lortu litezkeenak baino baldintza osagarri zorrotzagoak aplikatzea beharrezkoa denean, ingurumen-kalitateko arauak beteko badira.
- e) Aplikatu beharreko araudi berria indarrean jartzen denean.

f) Ingurunearen egitura eta funtzionamenduari buruzko ezagutza esanguratsu berrietara egokitzeko beharra dagoenean; bereziki, inplikaturako sistemen hauskortasuna areagotzen dela antzematen bada.

g) Ingurumena zaintzeko programan jasotako emaitzen edo bestelako oharpenen arabera, ingurumen-inpakturako ezarritako neurri babesle, zuzentzaile edo konpentsatzaileak nahikoak ez direla egiaztatzen denean.

h) Euskadiko Ingurumen Administrazioaren abenduaren 9ko 10/2021 Legearen 44. artikulua 1. apartatuan ezarritakoari jarraikiz egindako azterketaren arabera, aldaketa beharrezkoa dela ondorioztatzen denean.

Ingurumen-baimen bakarra berrikusteak ez du kalte-ordainerako eskubiderik ekarriko, Euskadiko Ingurumen Administrazioaren abenduaren 9ko 10/2021 Legearen 44.5 artikuluan ezarritakoari jarraikiz.

Hamargarrena.– Euskadiko Ingurumen Administrazioaren 10/2021 Legearen 28.1 artikulua xedatutakoaren arabera, ebazpen honen xede den hondakin arriskutsuen eta ez-arriskutsuen kudeaketan titulartasun-aldaketarik eginez gero, PHS Serkonten SAUK aldaketa hori jakinarazi beharko du, Ingurumen Sailburuordetzak onetsi dezan.

Kasu horretan, hondakinak kudeatzeko jarduera bat izanik, titulartasuna hirugarren baten alde aldatzeko, aldez aurretik egiaztatu beharko da, ingurumen-organo honi atxikitako zerbitzu teknikoek egin beharreko ikuskapen-bisitaren bidez.

Hamaikagarrena.– Organo honi jakinarazi beharko zaio instalazioak aldi baterako edo behin betiko utzi direla edo itxi egin direla, hartutako edo hartuko diren neurriak eta denbora-sekuentzia zehaztuz, kutsadura-arrisku oro saihesteko.

Hamabigarrena.– Ingurumen-baimen bakar honi lotutako baimen- eta inskripzio-kodeak Euskal Autonomia Erkidegoko Administrazio Orokorrek eskura jarritako aplikazio informatikoan agertzen direnak izango dira. Besteak beste, Hondakinen Ekoizpen eta Kudeaketa Erregistroko baimen- eta inskripzio-kodeak erabili beharko dira hondakinak lekualdatzeko dokumentuak betetzeko.

Hamahirugarrena.– Ingurumen-baimen bakar honetan ezarritako baldintzak ez betetzea arau-hauste astun gisa tipifikatuta dago Euskadiko Ingurumen Administrazioaren abenduaren 9ko 10/2021 Legearen 106. artikulua xedatutakoaren arabera, eta aipatutako legearen 108. artikuluan jasotako zehapenak ezartzea ekar dezake.

Hamalauugarrena.– Baimen honek balioa galduko du honelakoren bat gertatuz gero:

– Epean ez bada egiaztatzen ebazpen honen seigarren apartatuan ezarritako baldintzak betetzen direla, eta interesdunak ez badu epea luzatzeko eskatzen behar bezala justifikatuta.

– Urtebeteko epean ez badu jarduera garatzen, eta titularraren komunikazio frogagarririk bidaltzen ez bazaio baimena eman duen Administrazioari, egoera horren arrazoiak behar bezala azaltzeko.

Hamabosgarrena.– Ebazpen honen edukia jakinaraztea PHS Serkonten SAUri, Arrigorriagako Udalari, ingurumen-baimen bakarra emateko prozeduran parte hartu duten organismoei eta gainerako interesdunei.

Hamaseigarrena.– Agindua ematea ingurumen-baimen bakar hau Eusko Jaurlaritzaren egoitza elektronikoan eta Euskal Herriko Agintaritzaren Aldizkarian argitaratzeko.

2025eko irailaren 17a, asteazkena

Hamazazpigarrena.– Ebazpen honek ez dio amaiera ematen administrazio-bideari, eta, beronen aurka, gora jotzeko errekurtsua aurkeztu daiteke Industria, Trantsizio Energetiko eta Jasangarritasuneko sailburuaren aurrean, hilabeteko epean, ebazpen hau jakinarazi eta hurrengo egunetik aurrera, Administrazio Publikoen Administrazio Prozedura Erkidearen urriaren 1eko 39/2015 Legearen 121. artikuluan eta hurrengoetan xedatutakoari jarraikiz.

Vitoria-Gasteiz, 2025eko ekainaren 24a.

Ingurumeneko sailburuordea,
JOSU BILBAO BEGOÑA.

I. ERANSKINA

USTIATZEKO ETA JARDUERA ETETEKO BALDINTZA PARTIKULARRENA (BP)

ATALA: JARDUERA-BP

JARDUERAREN DESKRIBAPENA

Jarduera sartuta dago Euskadiko Ingurumen Administrazioaren abenduaren 9ko 10/2021 Legearen I.B eranskineko kategoria hauetan:

- 1 «Hondakin arriskutsuak tratatzeko baimena behar duten jarduerak edo instalazioak».
- 2 «Hondakin ez-arriskutsuak tratatzeko baimena behar duten jarduerak edo instalazioak».
- 3 «Baimena behar duten jarduerak edo instalazioak, atmosfera kutsatu dezaketelako».

PHS Serkonten SAUren instalazioetan garatutako jardueraren xedea da ingurune profesionaletan higiene-zerbitzuak ematea eta kliniketatik, osasun-zentroetatik eta beste mediku- edo albutari-zerbitzu batzuetatik datozen hondakin arriskutsuak eta ez-arriskutsuak kudeatzea.

Jarduera egingo den pabiloia forma poligonal du, eta 585,70 m²-ko azalera erabilgarria. Azalera erabilgarria honela banatuta dago:

Erabilera industrialerako pabiloia	471,89 m ²
Bulegoak	42,64 m ²
Jangela	9,06 m ²
Biltegia	20,59 m ²
Aldagelak eta komuna	41,52 m ²

Erabilera industrialerako pabiloian, 13 m² inguruko hotz-ganbera bat instalatuko da, hondakin bioarriskutsuak (II. multzoa), hondakin zitotoxiko eta zitostatikoak (III. multzoa), hondakin kimiko arriskutsu solidoak (adibidez, amalgamak) eta hondakin kimiko likidoak biltegitratzeko.

Martxoaren 3ko 21/2015 Dekretuaren arabera (Euskal Autonomia Erkidegoan hondakin sanitarioak kudeatzeari buruzkoa), II. multzokoak hondakin sanitario espezifikoak dira, infekzioak eragiteko arriskua dakartelako edota arrisku-susmoa edo arrisku psikoemotionala eragiten dutelako kudeaketaren etapa guztietan bereiz kudeatu beharrekoak; eta III. multzokoak hondakin sanitario ez-biologikoak eta horrelakoak dituzten nahasteak dira.

Hondakin arriskutsuak eta ez-arriskutsuak kudeatzeko jarduera kudeaketa-eragiketa hauei dagokie:

- D1502 Biltegitratzea, tratamenduaren eremuan.
- R1302 Hondakinak biltegitratzea, tratamenduaren eremuan.

Instalazioan ura kontsumitzen da komunetarako eta duxatarako, zoruak garbitzeko eta edukiontzi higienikoak garbitzeko, kolektorera isurita.

Instalazioan energia elektrikoa kontsumitzen da argiztapenerako eta prozesu-makinariaren funtzionamendurako eta gasolia makineria mugikorrerako erregai gisa.

- Bestelako funtzionamendu-baldintzak.

Beren funtzionamenduan ura erabiltzen duten eta aerosolak sor ditzaketen instalazioak (dutzak) daudenez, legionella prebenitzeko eta kontrolatzeko 487/2022 Errege Dekretuak ezarritako eskakizunak bete beharko dituzte.

Substantziak eta nahaste kimikoak manipulatzeko, langileen eskura egongo diren segurtasuneko datuen fitxetako (SDF) jarraibideak bete beharko dira. Garrantzitsua da SDFak beti eguneratuta egotea eta Europako Parlamentuaren eta Kontseiluaren (EE) 1907/2006 Erregelamendua betetzea (substantzia eta nahaste kimikoak erregistratzeari, ebaluatzeari, baimentzeari eta murrizteari buruzkoa-REACH), bai eta haren ondorengo aldaketak ere (Batzordearen maiatzaren 28ko (EB) 2015/830 Erregelamendua eta Batzordearen 2020ko ekainaren 18ko (EB) 2020/878 Erregelamendua).

Biozidak biltegitatu eta/edo erabiliz gero, urriaren 13ko SCO/3269/2006 Aginduan oinarrituta (Establezimendu eta Zerbitzu Bioziden Erregistro Ofizialaren inskripziorako eta funtzionamendurako oinarriak ezartzen dituena), jarduerak Euskal Autonomia Erkidegoko Establezimendu eta Zerbitzu Bioziden Erregistro Ofizialean inskribatuta egon beharko du, eta Agindu horretan eta 257/2004 Dekretuan (257/2004 Dekretua, abenduaren 21ekoa, Euskal Autonomia Erkidegoko Establezimendu eta Zerbitzu Bioziden Erregistro Ofiziala sortzen duena) adierazitako eskakizun guztiak bete beharko ditu.

ATALA: HONDAKINEN KUDEAKETA-BP

JARDUERAN HONDAKINAK KUDEATZEKO BALDINTZAK ETA ESKAKIZUNAK

Hondakinen kudeaketari buruz, ingurumen-baimen bakarreko ustiatzeko eta jarduera eteteko baldintza orokorrak bete beharko dira (HONDAKINEN KUDEAKETA-BO).

– Hondakin onargarriak, kudeaketa-eragiketak eta edukiera.

PHS Serkonten SAUk ondorengo Europako Hondakinen Zerrendako EHZ kodea duten hondakin hauek kudeatu ahal izango ditu. Zerrenda hori Batzordearen 2014ko abenduaren 18ko Erabakiaren bidez argitaratu zen, zeinaren bidez aldatu egin baitzen 2000/532/EB Erabakia, hondakinen zerrendari buruzkoa, Europako Parlamentuaren eta Batzordearen 2008/98/EB Zuzentarauan xedatutakoa betez. Hortaz, hondakin hauek baino ez dira onartuko:

EHZ kodea	Hondakinaren deskribapena	Arriskugarritasun-ezaug.	Edukiera maximoa	Balorizazio-eragiketa
180103*	Zerbitzu medikoen hondakinak	HP9	8 t/urte	R1302/D1502
180202*	Albaitaritza-zerbitzuen hondakinak	HP9	4 t/urte	R1302/D1502
180110*	Hortz-zainketetatik etorritako amalgamen hondakinak	HP6	1,5 t/urte	R1302/D1502
180106*	Substantzia arriskutsuak diren edo substantzia arriskutsuak dituzten produktu kimikoak	HP6 HP8/HP14	0,25 t/urte	R1302/D1502
180205*	Substantzia arriskutsuak diren edo substantzia arriskutsuak dituzten produktu kimikoak (albaitariak erabiltzekoak)	HP6 HP8/HP14	0,25 t/urte	R1302/D1502
180108*	Medikamentu zitotoxikoen eta zitostatikoen hondakinak	HP6	0,25 t/urte	R1302/D1502
180207*	Medikamentu zitotoxikoen eta zitostatikoen hondakinak (albaitariak erabiltzekoak)	HP6	0,25 t/urte	R1302/D1502
090101*	Errebelatze-soluzioak eta ura aktibatze soluzioak	HP5	0,08 t/urte	R1302
090104*	Finkatze-soluzioak	HP5	0,07 t/urte	R1302

EHZ kodea	Hondakinaren deskribapena	Arriskugarritasun-ezaug.	Edukiera maximoa	Balorizazio-eragiketa
18 01 04	Infekzioak prebenitzeko jasotzeko eta ezabatzeko eskakizun berezirik ez duten hondakinak (adibidez, bendajeak, igeltsu-hustuketak, arropa zuria, erabili eta botatzeko arropa, pixoihalak)		0,3 t/urte	D1502
18 02 03	Infekzioak prebenitzeko jasotzeko eta ezabatzeko eskakizun berezirik ez duten hondakinak (adibidez, bendajeak, igeltsu-hustuketak, arropa zuria, erabili eta botatzeko arropa, pixoihalak)		0,2 t/urte	D1502
18 01 07	18 01 06 kodean zehaztutakoez bestelako produktu kimikoak		0,1 t/urte	D1502
18 02 06	18 02 05 kodean zehaztutakoez bestelako produktu kimikoak		0,1 t/urte	D1502
18 01 09	18 01 08 kodean zehaztutakoez bestelako medikamentuak		0,2 t/urte	D1502
18 02 08	18 02 07 kodean zehaztutakoez bestelako medikamentuak		0,1 t/urte	D1502

Hondakin arriskutsuak biltegitzeko edukiera maximoa 0,52 tona da.

Hondakin ez-arriskutsuak biltegitzeko edukiera maximoa 0,03 tona da.

Hondakin arriskutsuak kudeatzeko baimendutako edukiera maximoa urtean 14,65 tona da, eta urtean 1 tona hondakin ez-arriskutsuak kudeatzeko.

– Bestelako funtzionamendu-baldintzak.

Hondakin arriskutsuak hotz-ganberan bakarrik biltegitatu daitezke.

II. multzoko hondakinak biltegitzeko denbora ezin izango da astebetetik gorakoa izan. Epe hori 2 astera arte luzatu ahal izango da, baldin eta biltegitatze-instalazioetan hozte-sistema egokiak erabiltzen badira 4 °C-tik beherako tenperatura mantentzen dela bermatzeko. Hala ere, II. c) multzoko (Agente bizi motelduak dituzten txertoak eta haien bialak) eta II e) multzoko (Hondakin zorrotz edo ziztakariak) hondakinen kasuan, biltegitzeko denbora ezin izango da 6 hilabetetik gorakoa izan.

Gainerako hondakin arriskutsuak biltegitzeko denbora, berriz, ezin izango da 6 hilabetetik gorakoa izan, salbu eta III B multxokoak) multzoko hondakinak direnean (medikamentu baztertuak); halakoak biltegitzeko denbora ezin izango da urtebetetik gorakoa izan.

Biltegitatzera bideratutako instalazioek behar bezala seinaleztatuta eta aireztatuta egon beharko dute, eta suteen aurka babesteko mekanismoak ezarrita izango dituzte; era berean, baimendutako pertsonak bakarrik sartu ahal izango dira bertan.

Ezingo dira onartu II. multzoko hondakin sanitario espezifikoak, baimen honetan hondakin onargarritzat hartzen badira ere, baldin eta honelako poltsa eta/edo ontzi zurrun edo erdizurrunetan sartuta ez badaude:

- Erabilera bakarrekoak.
- Estankoak.
- Opakuak.

– Itxiera hermetikodunak (poltsa eta ontzi erdizurruntan izan ezik; kasu horretan, irekitzea eragozten duen itxiera izango dute).

– Kargarekiko erresistenteak.

– Aseptikoak kanpoaldetik.

– Suntsitzean emisio toxikoak saihesten edo minimizatzen direla bermatzen duen konposizioa dutenak.

Baimendu beharreko hondakinak beren izaeraren, bateragarritasunaren eta destinoaren arabera biltegitratuko dira, Euskal Autonomia Erkidegoan hondakin sanitarioak kudeatzeari buruzko martxoaren 3ko 21/2015 Dekretuan ezarritakoaren arabera. Horretarako, behar diren jarduketa-protokoloak eta konpartimentazio-neurriak ezarriko dira, segregazioan akatsik ez egiteko eta horren ondorioz kudeaketa desegokiak ez sortzeko.

Euskal Autonomia Erkidegoan hondakin sanitarioak kudeatzeari buruzko martxoaren 3ko 21/2015 Dekretuan adierazitako baldintza guztiak bete beharko dira.

– Fidantza.

Hamabost mila (15.000) euroko fidantza jartzea, Hondakinak eta lurzoru kutsatuak arautu eta ekonomia zirkularra bultzatzeko apirilaren 8ko 7/2022 Legearen 23. artikulua 5.b) apartatua xedatutakoari jarraikiz Fidantza horren zenbatekoa zehazten da hondakinak tratatzeko eta biltegitratzeko edukiera maximoaren arabera.

Fidantza horren zenbatekoa urtero eguneratu daiteke, aurreko 12 hilabeteetako KPI kontsumoko prezioen indizearen arabera handituta.

Jarritako fidantza ez da itzuliko, harik eta Ingurumen Sailburuordetzak PHS Serkonten SAUK sustatutako hondakinak kudeatzeko jarduera uztea baimendu arte edo dagokionean jarduera eteteko finkatutako baldintzak bete arte; nolahi ere, lurzoruaren kalitatearen adierazpenean ezar daitezkeen betebeharrak guztiak jasoko dituzte.

ATALA: AIREA-BP

AIREAREN KALITATEA BABESTEKO BALDINTZA PARTIKULARRAK

– Jarduera.

Instalazioan, urtarrilaren 28ko 100/2011 Errege Dekretuaren –atmosfera kutsa dezaketen jardueren katalogoa eguneratzen duenaren eta bera ezartzeko oinarriko xedapenak finkatzen dituenaren– katalogoan bildutako jarduera hauek egiten dira:

Jardueraren kodea	Taldea	Jarduera	Deskribapena
09 10 09 07	B	Aurreko epigrafeetan zehaztu gabeko beste hondakin-tratamendu batzuk	Hondakin sanitarioen kudeatzailea

– Bestelako funtzionamendu-baldintzak.

Baldin eta instalazioaren jardueraren ondorioz usain txarrak sortzen badira eta inguruan eragozpenak eragiten badituzte, zuzenketa-neurri egokiak hartzea aztertu beharko da, hala nola xurgatzea eta eraginkortasun handiko iragazkietatik pasatu ondoren igortzea edo usainak sortzea eragozten duten bestelako sistemak.

ATALA: URA-BP

HONDAKIN-URAK ISURTZEKO BALDINTZA PARTIKULARRAK

– Isurketen sailkapena, jatorria, ingurune hartzailea eta kokapena.

Jarduera taldea: Hondakin arriskutsuen kudeatzailea.

Mota-taldea-EJSN: 7739-Beste inon sailkatu gabeko bestelako makineria, ekipoa eta ondasun ukigarrien alokairua.

B MOTAKO ERABILTZAILEA.

Baimendutako isurketak prozesu hauetatik datozen hondakin-urak hartzen ditu barnean:

– Ur beltzak.

– Edukiontzi higienikoen garbiketa.

Baimen horrek ez du babesten baldintza honetan esplizituki adierazi ez den substantziarik isurtzea, nahiz eta jardueraren ondorioz sortu, bereziki substantzia arriskutsuztat hartutakoak (Lurrazaleko uren egoeraren jarraipen- eta ebaluazio-irizpideak zein ingurumen-kalitateko arauak ezartzen dituen irailaren 11ko 817/2015 Errege Dekretuaren IV. eta V. eranskinetan definitu dira).

– Arazteko eta husteko instalazioak.

Hondakin-urak (ur beltzak eta edukiontzi higienikoen garbiketaren ondoriozkoak) industrialdeko saneamendu-sarera konektatuko dira.

Hartutako zuzenketa-neurriak nahikoak ez direla egiaztatuz gero, PHS Serkonten SAUK beharrezkoak diren aldaketak egin beharko ditu arazteko instalazioetan, isurketak baimendutako ezaugarrietara egokitzeko; aldaketak Administrazioari jakinaraziko dizkio lehenik, eta, behar izanez gero, baimena aldatzeko ere eskatuko du.

Halaber, baimenaren titularrak funtzionamendu-egoera ezin hobean mantendu beharko ditu isurketa- eta arazketa-instalazioak, eta betebeharrak horietaz arduratzeko pertsona bat izendatu beharko du, zeinari instalazioak zaindu eta funtzionatzeko arau zorrotzak eta beharrezko neurriak emango dizkion.

– Instalazioak kontrolatzeko elementuak.

Kontrol-kutxatila bat egongo da baimendutako hondakin-ur mota bakoitzerako, eta isurketen lagin adierazgarriak lortzeko beharrezkoak diren ezaugarriak izan beharko ditu. Kutxatila zuzenean ikuskatu ahal izateko moduan kokatuko dira.

– Isurketa-uraren kalitatea kontrolatzea.

Sustatzaileak aurkeztu duen dokumentazioaren arabera, atal honetako taulan adierazitako analisiak egingo dira.

	Hondakin-ur mota	Isurketaren jatorria	Ingurune hartzailea	Parametroak	Kontrolen maiztasuna	Kontrol mota
PV1	Higienikoak/ ur beltzak	Ur beltzak eta edukiontzien garbiketakoak	CABB kolektorea	Beheko taulan adierazitakoak	CABBek ezarritakoa	CABBek ezarritakoak

Kolektorera egindako isurketen parametro orokorrak (CABB)			
Parametroa	Sinboloa	Unitatea	Isurtzeko muga-balioak
Temperatura	T.°	° C	45
pH-a	pH-a	pH unitateak	6-9,5
Solido esekiak guztira	SST	mg/l	600
N – Amoniakala	N-NH3	mgN/l	300
Olio eta/edo koipeak (animalia- edo landare-jatorria)	A eta G	mg/l	300
Olio mineralak	A eta G	mg/l	50
Detergente anioikoak		mg/LAS/l	40
Zianuro totalak	CN -	mg/l	2
Sulfuroak	S =	mg/l	2
Kloruroak	Cl -	mg/l	(*)
Sulfatoak	SO4=	mg/l	1.500
Fluoruroak	F -	mg/l	50
Fenolak		mg/l	50
Artsenikoa	As	mg/l	1,5
Antimonioa	Sb	mg/l	0,5
Barioa	Ba	mg/l	20
Kadmioa	Cd	mg/l	1,5
Kromo totala	Cr	mg/l	7,5
Kromo totala (eguneko batez bestekoa)	Cr	mg/l	0,75
Kromo hexabalentea	Cr+6	mg/l	0,5
Kobrea	Cu	mg/l	7,5
Eztainua	Sn	mg/l	10
Burdina	Fe	mg/l	30
Merkurioa	Hg	µg/l	50
Nikela	Ni	mg/l	5
Zilarra	Ag	mg/l	1
Beruna	Pb	mg/l	3
Selenioa	Se	mg/l	5
Zinka	Zn	mg/l	15
Toxikotasuna <i>Vibrio fischeri</i> -ren bioluminiszentziaren inhibizioagatik		Equitox/m ³	50

(*) Kloruro-kontzentrazioa mugatuta geratuko da, isurketa hartzen duen hondakin-uren araztegiaren eraginak ez dezan 2.000 mg/l-ko kontzentrazioa gainditu saneamendu-sarearen erabilzaile guztientzat.

Hala dagokionean, baimenaren titularrak arazketa-instalazioen funtzionamendua eta isurketen kalitatea eta kantitatea kontrolatuko ditu aldizka, bat etorri atal honetan ezarritako analisien maiztasunarekin eta parametroekin. Informazio hori urtero bidali beharko zaio ingurumen-organuari «Ingurumena Zaintzeko Programaren» esparruan, eta organo eskudunetako funtzionarioek eskuragarri izan beharko dute aztertzeko, behar diren egiaztapenak eta azterketak egin ditzaten.

«Entitate Laguntzaile» batek –edo, hala badagokio, saneamendu-sarearen kudeaketaz arduratzen den organismoak– egingo eta ziurtatuko du kanpo-kontrol bakoitza –bai laginak hartzea bai ondoren aztertzea–, eta aurreko puntuetan aipatutako parametro bakoitzean egingo da.

Parametroen analisia egiteko, «Standard methods for the examination of water and wastewater» (APHA, AWWA, WPCF, azken edizioa) edo «ASTM Water and Environmental Technology-Section 11» (azken edizioa) argitalpenetako metodo normalizatuetakoa bat erabiliko da. Parametroaren ohiko kontzentrazioaren arabera egokiena den metodoa aukeratuko da. Gaur egun erabiltzen direnez bestelako metodoak ezarri ahal izango dira, kutsatzaileen kontzentrazioa hobeto definitzeko. Azpimarratu behar da eskatutako analisietan parametro bakoitzerako erabilietako metodo analitikoak adierazi beharko dela.

Kutsatzaile gehien sortzen den aldietan egingo dira laginketak beti.

Ulertuko da isurketak baimenaren eskakizunak betetzen dituela baldin eta parametro guztiak horretarako ezarritako mugekin egiaztatzen badira.

Ezingo da diluzio-teknikarik erabili emisioen muga-balioak lortzeko.

Gainera, ingurune hartzaileko ingurumen-arloko kalitate-arauak bete beharko dira. Bestela, titularrak behar den tratamendu egokia ezarri beharko du, isurketak kalitate-arauak ez-betetzea ekiditeko.

ATALA: HONDAKINAK SORTZEA-BP

INSTALAZIOAN SORTUTAKO HONDAKINAK EGOKI KUDEATZEN DIRELA BERMATZEKO BALDINTZA PARTIKULARRAK

Hondakinak sortzeari buruz organo honek onesten dituen baldintza orokorrak bete beharko dira (HONDAKINAK SORTZEA-BO).

Taula honetan ageri dira sustatzaileak aitortutako hondakin arriskutsuak (izartxoarekin eta EHZ kodearekin adierazita) eta ez-arriskutsuak:

EHZ	Hondakinaren deskribapena	Arriskugarritasun-ezaug.	Kudeatzeko modua	Biltegitratzeko modua	Sortze-prozesua	Ekoizpen zenbatetsia (kg/urte)
200199	Edukiontzi higienikoetatik datozen emakumeen aposituak eta pixoihalak		D0502	Edukiontzia	Sektore profesionalerako higiene-zerbitzua	38.000
150102	Plastikozko ontziak		R13/D15	Edukiontzia	Mantentzea eta zerbitzu orokorrak eta sektore profesionalerako higiene-zerbitzua	750
200101	Papera eta kartoia		R13/D15	Kutxa	Mantentzea eta zerbitzu orokorrak	200
160604	Pila alkalinoak (160603 izan ezik)		R12	Kutxa	Mantentzea eta zerbitzu orokorrak	50
160504*	Gasak presio-ontzietan. Substantzia arriskutsuak izandako aerosolen ontzi hutsak	HP5	R13	Kutxa	Sektore profesionalerako higiene-zerbitzua	600
150110*	Kutsatutako plastikozko ontziak	HP5	R13	Edukiontzia	Sektore profesionalerako higiene-zerbitzua	800

EHZ	Hondakinaren deskribapena	Arriskugarritasun-ezaug.	Kudeatzeko modua	Biltegitratzeko modua	Sortze-prozesua	ekoizpen zenbatetsia (kg/urte)
160508*	Botatako produktu kimiko organikoak	HP5	R13	Edukiontzia	Sektore profesionalerako higiene-zerbitzua	150
150202*	Kutsatutako xurgatzaileak	HP5	R13	Bidoia	Mantentzea eta zerbitzu orokorrak	60
200121*-31*	Hodi fluoreszenteak	HP6-HP14	R13	Kutxa	Mantentzea eta zerbitzu orokorrak	30
180103*	Zerbitzu medikoen hondakinak	HP5/HP6 HP9	R13/D15	Edukiontzia	Hondakin kudeaketa	8.000
180202*	Albaitaritzaz-zerbitzuen hondakinak	HP5/HP6 HP9	R13/D15	Edukiontzia	Hondakin kudeaketa	4.000
180110*	Hortz-zainketetatik etorritako amalgamen hondakinak	HP5/HP6 HP9	R13/D15	Edukiontzia	Hondakin kudeaketa	1.500
180106*	Substantzia arriskutsuak diren edo substantzia arriskutsuak dituzten produktu kimikoak	HP3/HP5 HP6/HP10	R13/D15	Edukiontzia	Hondakin kudeaketa	250
180205*	Substantzia arriskutsuak diren edo substantzia arriskutsuak dituzten produktu kimikoak (albaitariak erabiltzekoak)	HP3/HP5 HP6/HP10	R13/D15	Edukiontzia	Hondakin kudeaketa	250
180108*	Medikamentu zitotoxikoen eta zitostatikoen hondakinak	HP5/HP6	R13/D15	Edukiontzia	Hondakin kudeaketa	250
180207*	Medikamentu zitotoxikoen eta zitostatikoen hondakinak (albaitariak erabiltzekoak)	HP5/HP6	R13/D15	Edukiontzia	Hondakin kudeaketa	250
090101*	Errebelatze-soluzioak eta ura aktibatze soluzioak	HP5	R13	Edukiontzia	Hondakin kudeaketa	80
090104*	Finkatze-soluzioak	HP5	R13	Edukiontzia	Hondakin kudeaketa	70
180104	Infekzioak prebenitzeko jasotzeko eta ezabatzeko eskakizun berezirik ez duten hondakinak (adibidez, bendajeak, igeltsu-hustuketak, arropa zuria, erabili eta botatzeko arropa, pixoihalak)		D15	Edukiontzia	Hondakin kudeaketa	300

EHZ	Hondakinaren deskribapena	Arriskugarritasun-ezaug.	Kudeatzeko modua	Biltegitratzeko modua	Sortze-prozesua	Ekoizpen zenbatetsia (kg/urte)
180203	Infekzioak prebenitzeko jasotzeko eta ezabatzeko eskakizun berezirik ez duten hondakinak		D15	Edukiontzia	Hondakinen kudeaketa	200
180107	18 01 06 kodean zehaztutakoez bestelako produktu kimikoak		D15	Edukiontzia	Hondakinen kudeaketa	100
180206	18 02 05 kodean zehaztutakoez bestelako produktu kimikoak		D15	Edukiontzia	Hondakinen kudeaketa	100
180109	18 01 08 kodean zehaztutakoez bestelako medikamentuak		D15	Edukiontzia	Hondakinen kudeaketa	200
180208	18 02 07 kodean zehaztutakoez bestelako medikamentuak		D15	Edukiontzia	Hondakinen kudeaketa	100

«Mantentzea eta zerbitzu orokorrak» eta «Sektore profesionalerako higiene-zerbitzua» prozesuen barruko hondakin arriskutsuen sorrera 10 tonatik beherakoa da urtean.

Jarduera ez da aitortutako gainerako hondakin arriskutsuen hasierako ekoizlea. Horregatik, jarduera salbuetsita dago hondakin arriskutsuak minimizatzeko plan bat edukitzeko betebeharetik, Hondakinak eta lurzoru kutsatuak arautu eta ekonomia zirkularra bultzatzeko apirilaren 8ko 7/2022 Legearen 18. artikulua 7. apartatuaren bigarren paragrafoan xedatutakoaren arabera.

Baldin eta urte natural batean hondakin arriskutsuen ekoizpena 10 tonatik gorakoa bada «Mantentzea eta zerbitzu orokorrak» prozesuan, hondakin arriskutsuak minimizatzeko plan bat egin beharko da eta ingurumen-organoari jakinarazi, ingurumena zaintzeko planean aurkeztutako dokumentazioaren barruan.

ATALA: LURZORUA-BP

LURZORUA ETA LURPEKO URAK BABESTEKO BALDINTZA PARTIKULARRAK

Lurzoruaren eta lurpeko uren babesa bermatzeko beharrezkoak diren neurriak hartu beharko dira; bereziki, LURZORUA-BO atalean jasotakoak.

Lurzorua kutsa dezaketen jarduera eta instalazioen katalogoan sartuta dagoen jarduera denez, 209/2019 Dekretuaren arabera (209/2019 Dekretua, abenduaren 26koa, zeinaren bidez garatzen baita Lurzorua kutsatzea saihestu eta kutsatutakoa garbitzeko ekainaren 25eko 4/2015 Legea), baimenaren enpresa titularrak bere jarduera garatzen duen lurzoruaren egoera-txostenak aurkeztu beharko dizkio Ingurumen Jasangarritasuneko Sailburuordetzari, dekretuaren 19. artikuluan eta VII. eranskinen zehaztutako aldizkakotasunarekin eta irismenarekin, aurretiazko txostena aurkezteko ezarritako bitarte bera erabilita.

ATALA: ZARATA-BP

ZARATARI BURUZKO BALDINTZA PARTIKULARRAK

Zaratari buruzko baldintzak.

Behar diren neurriak hartuko dira instalazioak ez ditzan kanpoko ingurumenera transmititu Euskal Autonomia Erkidegoko hots-kutsadurari buruzko urriaren 16ko 213/2012 Dekretuaren I. eranskineko F taulan muga-balio gisa ezarritako zarata-mailak baino handiagoak, betiere Zaratari buruzko azaroaren 17ko 37/2003 Legea garatzen duen abenduaren 16ko 1513/2005 Errege Dekretuaren –giro-zarataren ebaluazioari dagokienez– prozeduren arabera ebaluatuta.

Eremu akustiko mota	Zarata-indizeak		
	LK,d (eguna)	LK,e (arratsaldea)	LK,n (gaua)
E. Osasungintza-, hezkuntza- eta kultura-erabilerako lurzoruak nagusi diren lurralde-esparru edo -sektoreak, kutsadura akustikoaren aurkako babes berezia behar dutenak	50	50	40
A. Bizitegi-erabilerako lurzoruak nagusi diren lurralde-esparru edo -sektoreak ⁽¹⁾	55	55	45
D. C apartatuan jasotakoaz bestelako hirugarren sektoreko erabilerako lurzoruak nagusi diren lurralde-esparru edo -sektoreak	60	60	50
C. Jolaserako eta ikuskizunetarako lurzoruak nagusi diren lurralde-esparru edo -sektoreak	63	63	53
B. Industria-erabilerako lurzoruak nagusi diren lurralde-esparru edo -sektoreak	65	65	55

(1): Muga-balio horiek aplikagarriak dira orobat ezein eremu akustikotan kokatuta ez dauden bizitegi-erabilerako eraikinietarako; balioak eraikinaren garaiera orotan leihodun fatxada guztietara iristen den soinuari dagokio.

Kanpoaldeko muga-balioak lurretik 2 metroko garaierara neurtuta daude; leihodun fatxaden kanpoko aldean, berriz, eraikinaren altuera guztietan neurtuko dira.

Lokal mugakideak egonez gero, instalazioak ezin izango die lokalei transmititu, haien erabileren arabera, aipatutako urriaren 16ko 213/2012 Dekretuaren I. eranskineko G eta H tauletan ezarritakoak baino zarata-maila handiagoak.

Ezarritako zarata-immisioaren muga-balioak errespetatzen direla ulertuko da baldin eta, urriaren 16ko 213/2012 Dekretuaren II. eranskinean ezarritako prozeduren arabera, baldintza hauek betetzen badituzte ebaluatutako adierazle akustikoen balioek, urtebeteko epean:

– Urteko batez besteko balioek ez dituzte gainditzen aipatutako I. eranskineko F taulak ezarritako balioak.

– Eguneko balioek ez dituzte 3 dB-etan gainditzen aipatutako I. eranskineko F taulak ezarritako balioak.

– Lkeq, Ti indizean neurtutako ezein balioek ez ditu 5 dB-etan gainditzen aipatutako I. eranskineko F taulan adierazitako balioak.

Adierazitako muga-balioak betetzen direla egiaztatzeko, jarduerari lotutako zarata-fokuen modelizazio bat aurkeztu beharko da instalazioa martxan jarri aurretik, behar bezala betetzen direla ziurtatzeko.

2025eko irailaren 17a, asteazkena

Gaindizterik izanez gero, egon daitezkeen gainditzeak zuzentzeko zuzenketa-neurrien proposamena aurkeztu beharko da. Neurri horietako bakoitzaren jarduera-egutegia proposatu beharko da, egikaritzearen arduraduna izendatuta.

Zarataren kontrola.

Indize akustikoen ebaluazioak egin beharko dira bost urtetik behin.

ATALA: EZOHIKO EGOERAK-BP

PREBENTZIO-NEURRIEI ETA EZOHIKO EGOERETAN FUNTZIONATZEKO BALDINTZEI BURUZKO BALDINTZA PARTIKULARRAK

– Jarduera etetea.

EZOHIKO EGOERAK-BO atalean aipatzen den lurzoru kutsatuen gainean indarrean dagoen araudiaren arabera, jardueraren kodea da 4677-Txatarraren eta hondakin-produktuen handizkako merkataritza.

– Ezohiko funtzionamendua denean aplikatzeko neurriak eta jardunak.

Instalazioen prebentzioko mantentze-lanak.

EZOHIKO EGOERAK-BO ataleko izen bereko apartatua beteko da.

ATALA: INGURUMEN-ERANTZUKIZUNA-BP

INGURUMEN-ERANTZUKIZUNARI BURUZKO BALDINTZA PARTIKULARRAK

– Ingurumen-erantzukizuna.

Hondakinak eta lurzoru kutsatuak arautu eta ekonomia zirkularra bultzatzeko apirilaren 8ko 7/2022 Legearen 23. artikulua xedatutakoaren arabera, PHS Serkonten SAUK, hondakin arriskutsuen kudeatzailea den aldetik, finantza-berme baliokidea eratu beharko du aldatutako ingurumena konpontzeko eta berreskuratzeko kostuak estaltzeko. Zenbateko hori ingurumen-erantzukizunari buruzko legeriaren arabera zehaztuko da.

Ingurumenaren arloko finantza-bermeari buruzko baldintza orokorretako izen bereko apartatua bete beharko da (INGURUMEN-ERANTZUKIZUNA-BO).

II. ERANSKINA

USTIATZEKO ETA JARDUERA ETETEKO BALDINTZA OROKORRENA (BO)

Sustatzaileak ustiatzeko eta jarduera uzteko bete beharko dituen baldintzak eta eskakizunak eranskin honetan eta ustiatzeko eta jarduera uzteko baldintza partikularren (BP) eranskinean jasotakoak izango dira.

ATALA: INGURUMEN-ERANTZUKIZUNA-BO

INGURUMEN-ERANTZUKIZUNARI BURUZKO BALDINTZA OROKORRAK

Ingurumen-erantzukizuna.

Baldin eta baimenaren baldintza partikularretan instalazioa identifikatzen bada ingurumen-erantzukizuneko araudiaren esparruan, sustatzailea behartuta egongo da bere lanbide-jardueraren ingurumen-arriskuen analisia (IAA) egitera, 2090/2008 Errege Dekretuaren 34. artikulua ezarritakoaren arabera (2090/2008 Errege Dekretua, abenduaren 22koa, Ingurumen Erantzukizunari buruzko urriaren 23ko 26/2007 Legea partzialki garatzen duen Erregelamendua onesten duena), finantza-berme bat eratu behar duen ebaluatzeko, urriaren 23ko 26/2007 Legearen 24. artikulua xedatutakoaren arabera. Finantza-bermea eraturakoan, erantzukizunpeko adierazpena aurkeztu beharko du ingurumen-organoren aurrean, non jarduera edo instalaziorako eraturako ingurumen-finantza-bermearen zenbatekoa adierazten den, edo, hala badagokio, horretarako salbuespena ezartzen den.

Sustatzaileak IAA ingurumen-arriskuen analisia eguneratuko du egokitzen jotzen duen guztietan; eta, nolabehere, jardueran, instalazioan edo baimen substantiboan funtsezko aldaketak gertatzen direnean. Finantza-bermearen zenbatekoa urtero eguneratuko da, KPIaren arabera. Erantzukizunpeko adierazpen berria aurkeztuko da nahitaezko finantza-bermearen zenbatekoa eguneratzen denean, bai zenbatekoa KPIaren arabera eguneratzeagatik, bai IAA berrikusteagatik.

Sustatzailea, jardueraren operadorea den aldetik, behartuta dago ingurumen-kalteak prebenitzeko, saihesteko eta konpontzeko behar diren neurriak hartzera eta exekutatzera eta halakoen kostuak ordaintzera, zenbatekoa edozein dela ere, bai eta dolo, erru edo zabarkeriarik egon ez bada ere, Ingurumen Erantzukizunari buruzko urriaren 23ko 26/2007 Legearen 19.1 artikulua adierazten duen moduan.

Ingurumenaren arloko finantza-bermea kontrolatzea.

– Dokumentazio hau aurkeztu beharko da:

- Finantza-bermea eratu behar izanez gero, urtero aurkeztuko da indarrean dagoen ingurumenaren arloko aseguru-polizaren kopia edo eraturako finantza-bermearen motaren ziurtagiria.

- Ingurumen-bermea eratzetik salbuetsita egonez gero eta 300.000 eta 2.000.000 euro bitarteko zenbatekoarekin ebaluatutako konponketa eskatzen duten kalteak eragin ditzaketen operadoreak izanez gero (Ingurumen Erantzukizunari buruzko urriaren 23ko 26/2007 Legearen 28.b artikulua), urtero aurkeztu beharko dute organismo independente batek emandako ziurtagiriaren kopia. Ziurtagiri horretan adierazi beharko da sustatzailea modu iraunkor eta jarraituan atxikita dagoela Europar Batasunaren ingurumen-kudeaketako eta -auditoriako sistemara (EMAS) edo indarrean dagoen UNE-EN ISO 14001 ingurumen-kudeaketako sistemara.

ATALA: HONDAKINEN KUDEAKETA-BO

HONDAKINEN KUDEAKETARI BURUZKO BALDINTZA OROKORRAK

Administrazioarekiko harremanen arduraduna.

Administrazioarekiko harremanen arduradunaren datu hauek jakinaraziko zaizkio organo honi: izen-abizenak, bizilekua eta titulazioa.

Administrazioarekiko harremanen arduradunaren gainean emandako datuetan aldaketarik balego, instalazioaren titularrak aldaketa horren berri emango dio Ingurumen Jasangarritasuneko Sailburuordetzari.

Erantzukizun zibileko aseguru.

Erantzukizun zibileko aseguru bat eratu beharko da seiehun mila euroko (600.000 euro) gutxieneko zenbatekoagatik, honako hauek estaliko dituena: hirugarrenei edo horien ondasunei sortutako balizko kalteengatiko kalte-ordainak, eta baimen honek onartutako jardueraren ondorioz ingurumen aldatua konpondu eta berreskuratzeko kostuak.

Urtero aurkeztuko da indarrean dagoen erantzukizun zibileko aseguru-polizaren kopia edo eratutako finantza-bermearen motaren ziurtagiria.

Aseguru horren zenbatekoa urtero eguneratu daiteke, aurreko 12 hilabeteetako Kontsumoko Prezioen Indizearen (KPI) arabera handituta.

Onartzeko baldintzak eta kontrolak.

Tratamendurako onargarriak diren hondakinak hondakin kudeaketaren inguruko baldintza partikularretan daude zehaztuta.

Instalazioan tratatu beharrezkotzat jotzen den hondakin-jatorri bakoitzeko, operadoreak hondakin hori onartzeko eskabidea bidali beharko du Ingurumen Jasangarritasuneko Sailburuordetzara, horrez gain, onets dezan, eta, behar izanez gero, hondakina onartzeko parametro mugatzaile edo baldintzatzaileen proposamena erantsiko da.

Hondakin jakin bat onargarria dela egiaztatu ondoren, jardueraren titularrak dokumentu horren titularrari onarpena ziurtatzen duen agiria igorriko dio, onarpen horren baldintzak ezarrita. Horrez gain, hondakina onartzeko parametro mugatzaileak edo baldintzatzaileak jasoko dira, eta, hala badagokio, hondakin-partida bakoitza hartu aurretik aztertu beharreko parametroak.

Instalazioan inolaz ere ez dira onartuko baimendu ez diren hondakinak, edo hondakin onargarrien artean adierazitakoak izanik ere, bestelako hondakin mota generikoren batekin nahastuta egoteagatik kutsatuta daudenak.

Hondakin bat baztertzeko denean eta hondakin horren EHZ kodea hondakin baimenduena bada, tratamendu-kontratuan aurreikusitakoarekin bat etorritik, organo honi jakinarazpen bat bidaliko zaio berehala (aau@euskadi.eus helbide elektronikora), eta honako hauek jakinarazi beharko zaizkio:

– Bazterketaren arrazoia.

– Baztertutako hondakina lekualdatzeko operadoreak aukeratu duen ordezkoko aukera kudeatzeko bidea.

Baldin eta onartu ez den partida beste autonomia-erkidego batetik badator, jatorrizko ingurumen-organuari ere jakinarazi egin beharko zaio.

Hondakin bat ezin bada onartu, zeinaren EHZ kodea hondakin baimenduen artean baitago, tratamendu negatiboaren kontratu bat egin beharko da, hondakin horiek kudeatzeko ezintasunaren arrazoiak azalduz.

Hondakinak lekuz aldatzea.

Hondakinak lekualdatzeko, hondakinak lekualdatzen diren guztietan, bai instalaziotik kanpora, bai kanpotik instalaziora, behar bezala bete beharko da ekainaren 2ko 553/2020 Errege Dekretua eta Euskal Autonomia Erkidegoan gerora egiten den arau horren garapena.

Horrekin bat etorritik, hondakinak lekualdatzeko, identifikazio-agiri bat aurkeztu beharko da, jarraipen eta kontrola egiteko, Hondakinak eta lurzoru kutsatuak arautu eta ekonomia zirkularra bultzatzeko apirilaren 8ko 7/2022 Legearen 31.2 artikulua xedatutakoaren arabera.

Unean uneko egoeraren ezaugarriak erreparatuta, ingurumen-organismoak azalpenak eska ditzake, argitu diezaioten zergatik den ekonomikoki eta teknikoki ezinezkoa baimen honen barruko hondakinak Euskal Autonomia Erkidegoan kudeatzea, eta hori egingo du autosufizientzia- eta gertutasun-printzipioak aintzat hartuta eta Euskadiko Hondakinak Prebenitu eta Kudeatzeko 2030eko Planeko helburu estrategikoetan ezarritakoarekin bat etorritik.

Jardueraren titularrak lekualdaketari buruzko informazioa jaso beharko du bere fitxategi kronologikoan, eta identifikazio-agiriaren kopia sinatua gorde beharko du hiru urtez; bertan, hondakinak entregatu eta onartu izana adieraziko da.

Aldez aurretik jakinarazi beharreko hondakinen lekualdaketak identifikatzeko dokumentuen kasuan, jardueraren titularrak hondakina jasotzen denetik gehienez 30 eguneko epea izango du identifikazio-agiri hori organo eskudunari bidaltzeko. Bidalketa hori gauzatzeko, Ekonomiaren Garapen, Jasangarritasun eta Ingurumen Sailaren ingurumen-informazioa kudeatzeko sistema baliatuko du.

Espainiaz kanpotik inportatutako hondakinak.

Kudeatu beharreko hondakinak beste estatu batzuetatik datozen kasuetan, Europako Parlamentuaren eta Kontseiluaren (EB) 2024/1157 Erregelamenduan, 2024ko apirilaren 11koan, hondakinak lekualdatzeari buruzkoan, ezarritakoa bete beharko da. Erregelamendu horrek (EB) 1257/2013 Erregelamendua eta (EB) 2020/1056 Erregelamendua aldatzen ditu, eta (EE) 1013/2006 Erregelamendua (hondakinak lekualdatzeari buruzkoa) indargabetzen du.

Gainera, aurreikusten bada zabortearen deuseztatu beharko direla inportatu beharreko hondakinak zein inportatutako hondakinen helmugako instalazioan aurreikusitako balorizate- eta deuseztate-tratamendutik lortutako korrante nabarmenen bat, orduan, kontsulta bat egin beharko zaio organo honi, justifikatuz aurreikusitako mugaz gaindiko lekualdaketak bat datozela EAEko Hondakinak Prebenitzeko eta Kudeatzeko 2030 Planean zehaztutako hondakinen inguruko plangintzaren helburuekin.

Hondakinen sarrera-kontrola.

Instalaziora tratamendua egiteko iristen diren hondakinen kontrola egin beharko da, baimeneko baldintzen arabera instalazioan onargarriak direla bermatzeko.

Kontrol horretan, Ingurumen Jasangarritasuneko Sailburuordetzak onetsitako tratamendu-kontratuan ezarritako egiaztapena egin beharko da. Agiri horretan, muga-parametroak eta onartzeko baldintzak ezarriko dira. Egiaztatze hori sarrera-kontrolako agiri batean erregistratuta geratuko da.

Tratamendu-kontratuak Espainiaren lurralde barruko hondakinen lekualdaketa arautzen duen ekainaren 2ko 553/2020 Errege Dekretuaren 5. artikuluan ezarritakoa bete beharko du, eta, bestek beste, alderdi hauek jaso beharko ditu: hondakinei emango zaien tratamendua, hondakin horiek onartzeko baldintzak eta alderdiek dituzten betebeharrak hartzaileak hondakina baztertzen badu.

Ezin izango dira onartu baimen honetan adierazitakoez bestelako hondakinak. Nolanahi ere, beste hondakin batzuk ere kudeatu nahi badira, beharrezkoa izango da aldeaz aurretik Ingurumen Jasangarritasuneko Sailburuordetzaren onespena, ebazpen honetan xedatutakoari jarraikiz.

Zamalanak.

a) Hondakin horien zamalanak egiteko ibilgailuen aparkalekuek zola iragazgaitza izango dute, eta beharrezko maldak eta balizko isuriak biltzeko sareak, horiek kutxatila itsurantz edo biltzeko putzurantz zuzentzeko, bidean ibilgailuaren azpitik igaro gabe edo beste ibilgailu edo instalazio batzuetara hurbildu gabe.

b) Zamalanak egitean, hondakin arriskutsuak kudeatuz gero, gai arriskutsuak manipulatzeko eskatutako segurtasun-baldintzak bete beharko dira.

c) Instalazioan egiten diren hondakinen zamalanek eta manipulazioek, baita ekipoen estankotasunak eta deskargatzeetan biltegitratutakoen xurgapena ere, emisio lausoak edo kontrolrik gabeak saihestu beharko dituzte, edo, saihestu ezin denean, ahalik eta gehien murriztu.

Jasotako eta bereizitako hondakinak biltegitratzea.

a) Hondakinak biltegitratzeko gehieneko denbora sei hilabetekoa izango da hondakin arriskutsuentzat, urtebetekoa ezabatzeko diren hondakin ez-arriskutsuentzat, eta bi urtekoa balorizatzen diren hondakin ez-arriskutsuentzat.

b) Tratatu beharreko hondakinak biltegitratzeko instalazioek lurzoru estankoak izango dituzte, aurreikus daitezkeen karga guztiak jasateko eta hondakinen ihesak edo isuriak atxikitzen modukoak. Halaber, biltegitratze-eremu bereziak egongo dira hondakin onargarrien mota generiko bakoitzerako.

c) Hondakin arriskutsuak biltegitratzearen ondoriozko arriskuak murrizteko, bereizitako gune espezifiko bat eduki beharko du jardueraren titularrak bere instalazioetan hondakin horiek biltegitratzeko. Gunea estalita egongo da, eta lurzoru estankoak edukiko ditu.

d) Onartutako hondakinak instalazioan biltegitratzeko, prezipitazio atmosferikoak sartzeko eta haizeak arrastatzea saihestu beharko da.

e) Hautsezko hondakinak eta soltean hartutakoak pabiloiaren barruan biltegitratuko dira tratatu arte, piletan eta/edo gelaxketan.

f) Haien egoera fisiko, likido edo oretsua dela-eta, edo haien inpregnazio-mailarengatik isurketak eragin edo lixibiatuak sortu ditzaketen hondakin arriskutsuentzat, ontziak edo bilketa-sistema egokiak jarriko dira izan litezkeen isuriak kanpora isurtzea saihesteko. Biltzeko sistemak independenteak izango dira, baldin eta, haien tipologia dela-eta, isurien ondorioz nahasiz gero arriskutsuago bihurtu badaitezke edo kudeaketa zaildu badezakete.

g) Hondakinak desagertu edo galdu badira edo ihes egin badute, berehala jakinaraziko zaie Ingurumen Jasangarritasuneko Sailburuordetzari eta Udalari.

h) Instalazioaren geldialdi tekniko egiten den kasu berezietan, edo instalazioaren ezohiko funtzionamendu baten ondoriozko beste egoera batzuetan, instalazioaren titularrak baimendutako hondakinen transferentzia-zentro gisa jardun ahal izango du, hondakinak kudeatzeko baimenduta dagoen beste instalazio batera eramateko.

i) Pilak edo bateriak kudeatzen badira, indartutako plastikozko edukiontzitan biltegitratuko dira.

Kudeatzaile baimenduari entregatzea.

Bai transferentzia-zentro gisa jardunda jaso daitezkeen hondakinak, bai jardueraren garapenean bertan sortutako hondakin guztiak, horretarako baimendutako kudeatzaileari entregatu beharko zaizkio.

Tratamendu-kontratuen indarraldiaren ziurtapena.

Aldian-aldian egiaztatu beharko zaio organo honi indarrean jarraitzen dutela instalazioko titularraren eta hondakinak kudeatzen dituzten hartzzaileen artean ezarritako tratamendu-kontratuek. Hondakinak hartzen dituzten kudeatzaile horiek Espainiatik kanpo badaude, beharrezkoa izango da mugen arteko garraioak arautzen dituen Batasuneko arautegia betetzea.

Kudeaketa-eragiketen hierarkia.

Edonola ere, birziklatu edo balorizatu daitezkeen hondakin kudeatuak helburu horietara bideratuko dira, eta jardueraren titularrak hondakin horien hartzzaileekin egindako tratamendu-kontratuetan jasoko da gertaera hori.

Kudeatutako hondakinen datuen erregistroa. Artxibo kronologikoa.

Ekonomia zirkularra bultzatzeko eta Hondakinei eta lurzoru kutsatuei buruzko apirilaren 8ko 7/2022 Legearen 64. artikuluan ezarritakoari jarraikiz, jardueraren titularrak fitxategi kronologiko fisiko edo telematiko bat izan beharko du, eta bertan, esku hartutako jarduera guztiei buruzko datuak jasoko dira ordena kronologikoan. Aipatutako fitxategi kronologikoan sartuko da, orobat, hondakinen ekoizpen- eta kudeaketa-lanen agiri bidezko egiaztapenean bildutako informazioa, eta bertan, gutxienez, datu hauek jasoko dira:

a) Onartutako hondakinen jatorria (jatorria eta prozesua, enpresa sortzailea eta enpresa garraiolaria).

b) Onartutako hondakinen kantitateak, izaera, osaera eta identifikazio-kodea.

c) Hondakin-partida bakoitzaren onarpen- eta harrera-data, eta, hala dagokionean, ematean sortutako kontrol- eta jarraipen-agiria.

d) Onartu ez diren hondakin-partidei buruzko datuen erregistroa (jatorria, kopurua, enpresa garraiolaria, ez onartzeko arrazoiak eta ordezeko helmuga).

e) Biltegitratutako hondakinak instalazioko zer tokitan dauden.

f) Hondakinak aldeztatik egokitzeko edo multzokatzeko eragiketak, hondakin-partiden datak, parametroak eta haien buruzko datuak, hondakinen ondorengo helmuga eta partida bakoitzari emandako EHZ kodea.

g) Instalazioko kudeaketa-lanen datak edo azken kudeatzaile baimenduari bidalketa egin zaionekoa, kudeatzaile horren identifikazio-datuak, eta, hala badagokio, sortutako identifikazio-agiriarenak.

h) Izaera eta frakzioa (pisuan), bereizitako hondakin arriskutsuen mota bakoitzeko.

Artxibo kronologikoaren laburpen-memoria.

Hondakinak eta lurzoru kutsatuak arautu eta ekonomia zirkularra bultzatzeko apirilaren 8ko 7/2022 Legearen 65. artikuluekin bat etorriz, urte bakoitzeko martxoaren 1a baino lehen aurkeztu beharko da fitxategi kronologikoan jasotako informazioaren laburpen-memoria, dagokion urteko ingurumena zaintzeko programaren barruan.

Laburpen-memoriak ekitaldi bakoitzaren amaieran behin-behinean biltegitratutako hondakinen eta hondakin kopuruaren zerrenda ere jasoko du, instalazioan tratatzeko onartuta baina oraindik tratatzeke dauden hondakinena, bai eta sortutako hondakinena ere.

Erabiltzen ez diren ibilgailuak kudeatzen badira, memoriak jasoko du, halaber, lehenago aipatutako berrerabiltzeko, birziklatzeko eta balorizatzeke prestaketa-helburuak betetzen direla egiaztatzen duen dokumentazioa. Alderdi hauek adierazi beharko dira: tratatutako ibilgailuen kopurua, mota eta pisua; berrerabiltzeko prestatutako pieza kopurua; birziklatutako hondakinen kantitateak; eta balorizatutako hondakinen kantitateak. Memoriak, horrez gain, datu hauek jasoko ditu: kudeatzaile baimendu bati tratamendu egokia egin dezan entregatutako pneumatikoen kopurua; berrerabiltzeko prestatutako eta bigarren eskuko pneumatikotzat merkaturatutako pneumatikoen kopurua, urteko ziurtagiririk ez dutenak berezita adierazita; eta bigarren eskuko pneumatiko horiek eskuratu dituzten profesionalek erabiltzen ez diren pneumatikoen kopuru bera kudeatzaile baimendu bati hark tratatzeko egindako entregean dokumentazioaren kopia. Atal honetan aipatutako dokumentuak Ingurumen Jasangarritasuneko Sailburuordetzara bidaliko dira, Sailburuordetza honen sistema informatikoaren bidez gaitutako prozedura telematikoen bitartez.

Aurreko apartatuetan adierazitako dokumentuak organo honetara bidaliko dira, Euskal Autonomia Erkidegoko Administrazio Orokorrak eskura jarritako kanal, sistema edo aplikazio informatikoak erabiliz.

Larrialdietan berehala jarduteko bitartekoak.

Larrialdirik gertatuz gero, berehala esku hartzeko beharrezkoak diren material guztiak edukiko dira, kopuru nahikoan: berriro ontziratzeke erreserbako edukiontzia, beharrezkoa izanez gero; gerta daitezkeen isuriei eusteko produktu xurgatzaile selektiboak; segurtasuneko edukiontzia; kaltetutako inguruneak isolatzeko hesiak eta seinaleztapen-elementuak; eta norbera babesteko ekipamenduak.

Suteen aurkako segurtasun-neurriak.

Suteak itzaltzeko, industria-establezimenduetan suteen aurkako segurtasunaren arloan eskumena duten organismoek eskatutako ekipoak eta agenteak instalatuko dira. Hondakin erregaiak (plastikoak, pneumatiko erabiliak, etab.) biltegitratzeko berariazko eremuan sute-arriskuak prebenitzeko neurri zorrotzak ezarriko dira, esaterako, gehiegizko metatzeak saihestuko dira.

Hondakin sanitarioak kudeatzeko baldintza espezifikoak.

Aurreko apartatuetan adierazitakoaz gain, Euskal Autonomia Erkidegoan hondakin sanitarioak kudeatzeari buruzko martxoaren 3ko 21/2015 Dekretuan adierazitako guztia bete beharko da, eta, bereziki:

- II. multzoko hondakinak zentro ekoizlean jasotzen denetik tratatu arte (balorizatzea edo ezabatzea) igarotako denbora ezin izango da astebetetik gorakoa izan. Epe hori 2 astera arte luzatu ahal izango da, baldin eta biltegitratze-instalazioetan hozte-sistema egokiak erabiltzen badira 4 °C-tik beherako tenperatura mantentzen dela bermatzeko. Hala ere, II. c) multzoko (Agente bizi motelduak dituzten txertoak eta haien bialak) eta II e) multzoko (Hondakin zorrotz edo zitzakariak) hondakinen kasuan, biltegitratzeko denbora 6 hilabetekoa izan daiteke hotzik gabe.

- II. multzoko hondakina biltegitratzera bideratutako instalazioek behar bezala seinaleztatuta eta aireztatuta egon beharko dute, eta suteen aurka babesteko mekanismoak ezarrita izango dituzte; era berean, baimendutako pertsonak bakarrik sartu ahal izango dira bertan.

- Hondakin sanitarioen kudeatzaileak behartuta daude osasun- eta ingurumen-agintariei beren establezimenduetara askatasunez sartzen uztera, bai eta horiek hondakin sanitarioekin lotuta eskatzen duten dokumentazio guztia ematera ere.

ATALA: AIREA-BO

AIREAREN KALITATEA BABESTEKO BALDINTZA OROKORRAK

Baldintza orokorrak.

Instalazioa ustiatzean, baldintza hauek bete beharko dira: atmosferara egingo diren isurketek ez gaintitzea ingurumen-baimen bakar honetan ezarritako isurtzeko muga-balioak, eta ingurumen-organoak ezarritako eskakizun teknikoak betetzea.

Era berean, prozesuan zehar atmosferara isurtzen den gai kutsatzaile oro bildu eta ihesbide egokienean zehar kanpora bideratuko da, emisioen ezaugarrien arabera diseinatutako gasak arazteko sistema batetik igaro ondoren, hala behar denean.

Arau orokor horretatik salbuetsi ahal izango dira teknikoki eta/edo ekonomikoki atzemanekin diren konfinatu gabeko emisioak, edota ingurunean kalte urria eragiten dutela egiaztatzen denean.

Neurri egokiak hartuko dira istripuzko emisioen probabilitatea murrizteko, eta bermatuko da efluenteez ez dutela giza osasunerako eta segurtasun publikorako arriskurik eragingo. Gas-efluenteak tratatzeko instalazioak behar bezala ustiatu eta mantenduko dira, efluenteen tenperatura- eta konposizio-aldaketei eraginkortasunez aurre egiteko moduan. Era berean, ahalik eta gehien laburtuko dira instalazio horiek gaizki dabilzan edo geldirik dauden aldiak.

Instalazioaren titularrek bete beharko dituzte atmosfera kutsa dezaketen jardueretarako instalazioak arautzen dituen abenduaren 27ko 278/2011 Dekretuaren 5. artikuluan adierazitako betebeharrak.

Fokuen sekzioak, neurketa-guneak, laginketa-puntuak, neurketa-portuek, irisgarritasun-baldintzek, segurtasun-neurriak eta zerbitzuek bete beharko dute atmosferaren arloan eskumenak dituen Sailak argitaratutako jarraibide teknikoetan ezarritakoa.

Organo honek foku berri baterako baimena eman eta gero, fokua abian jarri eta sei hilabete igaro baino lehen, ingurumen-kontrolako entitateak egindako hasierako ILE txostena igorri beharko da. Nolanahi ere, epe hori luzatzeko eskatu ahal izango zaio Ingurumen Organoari, behar bezala justifikatutako arrazoiengatik.

Emisio lausoak.

AIREA-BP atalean emisio lausoen fokua identifikatzen badira, neurri hauek hartu beharko dira:

Zamalanak. Garraioa:

– Zamalanak olagarroarekin.

- Materialen zamalanak ahalik eta gehien murriztea.
- Materiala deskargatzeko unean erorketa-altuera ahalik eta gehien murriztea.
- Materiala hartu ostean zalia edo gakoak erabat ixtea.
- Deskargatu ostean, zalia pilatan denbora nahikoan uztea.

– Pala mekanikoarekin kargatzea/deskargatzea.

- Materialen zamalanak ahalik eta gehien murriztea.
- Materiala deskargatzeko unean erorketa-altuera ahalik eta gehien murriztea.

- Kamioiak kargatzean, pala kamioiaren ohean ahalik eta gehien sartzea.

– Bestetik, materiala garraiatuko duten kamioiak olanekin edo hautsa harrotzea saihesten duten bestelako elementuekin estali beharko dira.

– Era berean, murriztu egingo da ibilgailuen abiadura, eta zolatuta egon beharko dute ibilgailuen zirkulazio-eremuek.

Bideak, lurzorua eta makineria garbitzea:

– Bideak, lurzorua eta makineria aldian-aldian garbituko dira.

– Bideak eta lurzoruak garbitzeko, ekortzeko eta baldekatzeko makinak erabiliko dira, eta baldekatzeko ekipoa eta ekortzekoa konbinatuko dira, hautsa ez dadin barreiatu.

Emisio lausoak minimizatze aldera, emisioak biltzeko sistemen mantentze-lan egokia egingo da; horrez gain, besteak beste, instalazioa garbituko da, kanpoko ateak eta pabiloienak itxiko dira, eta ingurumen-praktika egokiak eta teknika erabilgarri onenak aplikatuko dira.

Administrazioak foku lausoen irteerak egokitu daitezzen eskatu ahal izango du, emisio bideratuen baimenean sartzeko, horiei dagozkien muga eta neurketa-aldizkakotasunekin.

ATALA: URA-BO

HONDAKIN-URAK ISURTZEKO BALDINTZA OROKORRAK

Isurketen sailkapena, jatorria, ingurune hartzailea eta kokapena.

– Jardueraren isurketak eta horien ezaugarriak URA-BP atalean jaso dira.

Isurketa-emari eta -bolumen maximoak.

Isurketa-emari eta -bolumen maximoak URA-BP atalean jaso dira.

Isurtzeko muga-balioak.

– Isurtzeko muga-balioak URA-BP atalean jaso dira.

– Ezingo da diluzio-teknikarik erabili isurtzeko muga-balioak lortzeko.

– Gainera, ingurune hartzailearen kalitate-arauak eta -helburuak bete beharko dira. Bestela, titularrak behar den tratamendu egokia ezarri beharko du, kalitate-arau eta -helburu horiek isurketaren ondorioz bete gabe gera ez daitezzen.

– Baimen honek ez du babesten baldintza honetan berariaz adierazitakoez bestelako substantzia batzuk isurtzea; bereziki, 606/2003 Errege Dekretuaren Hirugarren Xedapen Gehigarrian aipatzen diren substantzia arriskutsuak (606/2003 Errege Dekretua, maiatzaren 23koa, Urei buruzko abuztuaren 2ko 29/1985 Legearen atarikoa eta I., IV., V., VI. eta VIII. tituluak garatzen dituen Jabari Publiko Hidraulikoaren Erregelamendua onartzeari buruzko apirilaren 11ko 849/1986 Errege Dekretua aldatzen duena).

Arazteko eta husteko instalazioak.

Hondakin-urak arazketa-instalazioek edo zuzenketa-neurriek URA-BP atalean zehaztutako jarduketak barne hartuko dituzte funtsean.

Hartutako zuzenketa-neurriak nahikoak ez direla egiaztatuz gero, sustatzaileak beharrezkoak diren aldaketak egin beharko ditu arazteko instalazioetan, isurketak baimendutako ezaugarrietara egokitzeko; aldaketak Administrazioari jakinaraziko dizkio lehenik, eta, behar izanez gero, baimena aldatzeko ere eskatuko du.

Kontrol-kutxatila bat egongo da baimendutako hondakin-ur mota bakoitzerako, eta isurketen lagin adierazgarriak lortzeko beharrezkoak diren ezaugarriak izan beharko ditu. Kutxatilak Administrazioak zuzenean ikuskatu ahal izateko moduan kokatuko dira.

Isurketa-uraren kalitatea kontrolatzea.

URA-BP atalean zehaztutako analitikak egingo dira.

Jardueraren kontrolean sortutako dokumentazioa ingurumen-organoari igorriko zaio, INGURUMENA ZAINTEKO PROGRAMA-BO atalean adierazitakoaren arabera.

ATALA: HONDAKINAK SORTZEA-BO

INSTALAZIOAN SORTUTAKO HONDAKINAK EGOKI KUDEATZEN DIRELA BERMATZEKO BALDINTZA OROKORRAK

Instalazioetan sortutako hondakin guztiak kudeatuko dira Hondakinak eta lurzoru kutsatuak arautu eta ekonomia zirkularra bultzatzeko apirilaren 8ko 7/2022 Legean eta aplikatzekoak diren araudi espezifikoen ezarritakoaren arabera, eta, beharrezkoa bada, karakterizatu egin beharko dira euren izaera eta helmuga egokiena zehazteko.

Berariaz debekatuta dago sortzen diren tipologia ezberdineko hondakinak elkarrekin edo beste hondakin nahiz efluente batzuekin nahastea; hondakinak jatorritik bertatik bereiziko dira, eta bildu eta biltegitzatzeko bide egokiak jarriko dira, nahasketak ekiditeko.

Hondakinak kudeatzeari buruzko printzipio hierarkikoei jarraituz, hondakin oro balorizatu egin behar da, eta, horretarako, balorizatzaile baimendu bati entregatu beharko zaizkio. Hondakinak deuseztatzeke, ezinbestekoa izango da alde aurretik behar bezala justifikatzea teknikoki, ekonomikoki edo ingurumenaren aldetik ez dela bideragarria haiek balorizatzea. Birsortzea edo berrerabiltzea lehenetsiko da balorizatzeke beste edozein modu material edo energetikoren aurretik.

Era berean, Euskal Autonomia Erkidegoan instalazio baimendurik badago hondakin zehatz batzuk tratatzeko, hondakin horiek instalazio horietara bidali beharko dira lehentasunez, autosufizientzia- eta gertutasun-printzipioei jarraituz.

Hondakinen azken destinoa zabortegei baimenduan ezabatzea dela aurreikusten baldin bada, orduan hondakin horiek ezaugarritu egingo dira, Kontseiluaren 2002ko abenduaren 19ko 2003/33/EE Erabakiak, hondakinak zabortegetan hartzeko irizpideak eta prozedurak ezartzen dituenak, xedatutakoari jarraikiz, eta otsailaren 24ko 49/2009 Dekretuak, hondakinak zabortegetan biltegitatuta eta betelanak eginda ezabatzea arautzen duenak, ezarritako jarraibideen arabera.

Instalazioan sortutako hondakinen kantitatea, ingurumen-baimen bakar honetan jasotakoa, orientagarria da soilik, kontuan hartuta jardueraren ekoizpen-gorabeherak eta ekoizpenaren eta sortutako hondakinen arteko erlazioa. Datu horiek jardueraren adierazleetan ageri dira. Sortutako hondakinen kopurua handitzeak aurretik ezarritako biltegitatze- eta ontziratze-baldintzak aldatzea dakarrenean soilik eskatu beharko da baimena egokitzea.

Hondakinak biltegitzatzeko guneak edo guneek lurzoru estankoa izan behar dute. Haien egoera fisiko, likido edo oretsua dela-eta, edo haien inpregnazio-mailarengatik isurketak eragin edo lixibiatuak sor ditzaketan hondakin arriskutsuentzat ontziak edo bilketa-sistema egokiak jarriko dira izan litezkeen isuriak kanpora isurtzea saihesteko. Hauts-itxurako hondakinen kasuan, hondakinak euri-urarekin

bustitzea edo haizeak herrestan eramatea eragotziko da, eta, beharrezkoa izanez gero, estali egingo dira.

Hondakinak lehen aldiz atera aurretik, kudeatzaile baimenduari ematen zaizkion hondakinak behar bezala identifikatu eta sailkatzen direla justifikatu beharko da, bereziki hondakin arriskutsuen izaerari eta arrisku-ezaugarri dagokienez, bat etorri betiere honako hauetan ezarritako irizpideekin: Europako Hondakin Zerrenda, Batzordearen 2014ko abenduaren 18ko Erabakiz argitaratua, zeinaren bidez aldatzen baita Hondakin Zerrendari buruzko 2000/532/EE Erabakia; eta Batzordearen (EB) 1357/2014 Erregelamendua, 2014ko abenduaren 18koa, zeinaren bidez ordeztzen baita Europako Parlamentuaren eta Kontseiluaren 2008/98/EE Zuzentarauaren III. eranskina (hondakinei buruzko zuzentarau horrek zuzentarau jakin batzuk baliogabetu zituen). Hori egiaztatu ondoren, eguneratu egingo dira ingurumen-baimen bakarrean jasota eta izapidetzeko orduan indarrean zeuden identifikazioa eta sailkapena.

Hondakinak desagertu edo galdu egingo balira, edo ihes egingo balute, berehala jakinaraziko da gertatutakoa ingurumen-organoan eta instalazioa kokatuta dagoen udalean.

Sortutako hondakinak beste autonomia-erkidego batzuetara lekualdatzeko, Estatuaren lurraldearen barruan hondakinak lekualdatzea arautzen duen ekainaren 2ko 553/2020 Errege Dekretua eta Euskal Autonomia Erkidegoan gerora egiten den arau horren garapena bete beharko dira.

Hori hala izanik, hondakinak beste autonomia-erkidego batera lekualdatzeko, identifikazio-agiri bat aurkeztu beharko da, jarraipena eta kontrola egiteko, bat etorri Hondakinak eta lurzoru kutsatuak arautu eta ekonomia zirkularra bultzatzeko apirilaren 8ko 7/2022 Legearen 31.2 artikularekin.

Nahitaezko aurretiko jakinarazpen-kasuetan, apirilaren 8ko 7/2022 Legearen 31 artikuluan ezarritako eta ekainaren 2ko 553/2020 Errege Dekretuaren 9. artikuluan garatutako kausetako bat gertatzen denean, hala organo honek nola helmugako autonomia-erkidegoko organo eskudunak hondakinak garraiatzearen aurka egin ahalko dute; arrazoitutako erabakia garraio-jakinazpena aurkeztu eta gehienez hamar eguneko epean jakinarazi beharko diote operadoreari.

Hondakinak Espainiatik kanpora esportatzen diren kasuetan, bete beharko da Hondakinak lekualdatzeari buruzko Europako Parlamentuaren eta Kontseiluaren 2006ko ekainaren 14ko 1013/2006 Erregelamenduan ezarritakoa.

Baldin eta sustatzailea bada merkataritza- eta/edo industria-bilgarrien azken edukitzailea, Bilgarriari eta bilgarri-hondakinei buruzko abenduaren 27ko 1055/2022 Errege Dekretuaren 38. eta 44. artikuluen arabera, honako hauek egin beharko ditu:

– Gordetzeko, itzultzeko eta bihurtzeko sistemari lotutako merkataritza- eta industria-bilgarriak: bilgarriak banatzailei itzuli beharko zaizkie, edo, bestela, industria-bilgarrien hondakinak ekoizlearen erantzukizun zabalduaren sistemari entregatu beharko zaizkie, kontserbazio-, hustuketa- eta garbiketabaldintza egokietan, edo ekoizlearen erantzukizun zabalduaren sistemek definitutako beste edozeinetan.

– Gordetzeko, itzultzeko eta bihurtzeko sistemen mende ez dauden industria-bilgarriak:

- Ekoizlearen erantzukizun zabalduaren sistemek ezarritako bilketa-puntuetan uztea, haiek definitutako baldintzen arabera; edo

- Kudeatzaile baimenduari entregatzea, ekoizlearen erantzukizun zabalduaren sistemekin adostuta hala aurreikusten denean, abenduaren 27ko 12055/2022 Errege Dekretuaren 36.6 eta 42.5 artikuluen arabera.

Azken edukitzaileek, hala badagokio, informazioa eman beharko diete sistema indibidualei edo kolektiboari industria-ontzien bilgarrien kudeaketari buruz.

Hondakin arriskutsuak.

Sustatzaileak adierazitako hondakin arriskutsuak HONDAKINEN EKOIZPENA-BP ataleko taulan jasotakoak dira.

Hondakin arriskutsu bakoitzari dagozkion izendapena eta kodifikazioa ezartzen zaizkio, hondakin bakoitzaren egoera eta ezaugarrien arabera, baimena izapidetzean jasotako informazioa oinarri hartuta. Kode batzuek aldaketaren bat izan badezakete ere, oinarritzko beste batzuk, euren izaera dela-eta, aldatu gabe utzi behar dira ekoizpen-jardueran zehar. Horiek definitzen dituzte mota eta hondakinaren osagai arriskutsuak. Kudeaketa-bideetan hierarkizazioa egokia dela egiaztatzeke eta Hondakinak Kudeatzeko Europako Estrategian bai Hondakinak Prebenitzeko eta Kudeatzeko Euskadiko 2030 Planean ezarritakoa betetzen dela bermatzeko, organo honek onartu egin beharko du hondakin bakoitzaren tratamendu-kontratuetan jasotako informazioa, dagokion kudeatzaile baimenduak horretarako eskaria egin ostean. Egiaztatzeak garrantzi berezia izango du, batez ere, berreskuratzea edo balorizatzea kudeatzeko eragiketa-kodearen arabera kudeatu diren hondakinaren tratamendu-kontratuetan uzte- edo ezabatze-kodeak balioztatzea eskatzen bada.

Hondakin arriskutsuak biltzeko sistemak independenteak izango dira, baldin eta, tipologia dela-eta, isuriaren ondorioz nahasiz gero arriskutsuago bihurtu badaitezke edo kudeaketa zaildu badezakete.

Hondakin arriskutsuak ontziratzeke, indarrean dagoen araudian ezarritako segurtasun-arauak bete beharko dira. Hondakin arriskutsuak dauzkaten ontziek eta bilgarriek etiketa argia, irakurgarria eta ezabagaitza eduki beharko dute eta itxita egon beharko dute kudeatzaileari eman arte, edukiak jariatuta edo lurrunduta gal ez daitezke.

Hondakin arriskutsuak gehienez 6 hilabetez eduki behar dira biltegitratuta.

Hondakinak kudeatzaile baimenduaren instalazioetara eraman aurretik, nahitaezko eskakizuna izango da agiri baten bidez egiaztatzea kudeatzaile baimendu horrek hondakinak onartu dituela. Agiri horretan, hondakinak onartzeko baldintzak ezarriko dira, eta egiaztatu egingo da tratatu beharreko hondakinaren ezaugarriak administrazio-baimenarekin bat datozela. Agiri hori ingurumen-organon honi bidaliko zaio hondakina lehenengoz atera aurretik eta, behar izanez gero, hondakina hondakin-kudeatzaile berri batengana eraman aurretik. Beharrezkoa bada, karakterizazio zehatza egingo da, proposatutako tratamendua egokia den aztertzeke. Hala badagokio, arrazoitu egin beharko da proposatutako kudeaketa-modua ingurumen-baimen bakar honetako hondakin-kudeaketari buruzko printzipio hierarkikoei egokitzen zaiela.

Hondakin arriskutsuak eraman aurretik eta, hala badagokio, horretarako egin beharreko jakinarazpena aurretiaz eginda dagoela, araudian zehaztutako moduan, identifikaziorako agiria bete beharko da; agiri horren ale bat garraiolariari emango zaio, eta zamarekin batera eraman beharko da jatorritik helmugaraino. Sustatzaileak artxiboan erregistratu eta gutxienez hiru urtez gorde beharko ditu tratamendu-kontratuak eta identifikazio-agiriak edo agiri ofizial baliokideak.

Egiaztatu egin beharko da hondakin arriskutsuak kudeatzaile baimenduaren instalazioetara eramateko erabiliko den garraibideak betetzen dituela horrelako gaiak garraiatzeko ezarritako eskakizunak, indarrean dagoen legeriaren arabera.

Sustatzaileak sortutako olio erabilia kudeatu beharko du industriako olio erabiliaren kudeaketa arautzen duen ekainaren 2ko 679/2006 Errege Dekretuaren arabera.

Gailu elektriko eta elektronikoen hondakinei buruzko otsailaren 20ko 110/2015 Errege Dekretuan xedatutakoaren arabera kudeatuko dira ekipo elektriko eta elektronikoen hondakinak –besteak beste, lanpara fluoreszenteenak–. Pilen eta metagailuen hondakinek, halaber, Pilei eta metagailuei eta haien hondakinaren ingurumen-kudeaketari buruzko otsailaren 1eko 106/2008 Errege Dekretuan xedatutakoa bete beharko dute. Kudeatzaile baimenduaren tratamendu-kontratua izateke, garraioaren aurretiko

jakinarazpena egiteko eta identifikazio-agiria betetzeko betebeharretik salbu egongo dira kudeaketa-sistema integratuko kudeaketa-azpiegiturretara eramaten diren hondakinak, bai eta toki-entitateei ematen zaizkienak ere, gaika bildutako udal-hondakinekin eta haien parekoak direnekin batera kudeatu ditzaten, baldin eta dagokion toki-entitateek entrega horiek egin direla egiaztatzen badute. Toki-entitateei egindako entregak justifikatzeko agiriak hiru urtez gorde beharko dira gutxienez.

ekoizleak poliklorobifeniloak (PCB) dituzten edo izan ditzaketen aparatuak dauzkan bitartean, haiek behar bezala kudeatzeko abuztuaren 27ko 1378/1999 Errege Dekretuan, poliklorobifeniloak, polikloroterfeniloak eta horiek dituzten aparatuak ezabatzeko eta kudeatzeko neurriak ezartzen dituen horretan, eta hori aldatu zuen otsailaren 24ko 228/2006 Errege Dekretuan adierazitako eskakizunak bete beharko ditu.

Sustatzaileak ozono-geruza agortzen duten substantziei buruzko Europako Parlamentuaren eta Kontseiluaren 2009ko irailaren 16ko (EE) 1005/2009 Erregelamenduan zehaztutako gai erabiliak baldin baditu, berreskuratu egingo dira alderdiek onetsitako bitarteko tekniko bidez deuseztatzeko, edo ingurumenaren ikuspegitik onargarria den beste edozein deuseztatze-bide tekniko erabiliz, edota birziklatzeko edo birsortzeko xedez, tresnak berrikusi eta mantentzeko eragiketetan nahiz desmuntatu edo deuseztatu aurretik.

Sustatzaileak urtero adierazi beharko dio ingurumen-organoari sortutako hondakin arriskutsuen jatorria zein den, zein kantitate sortu den, zer erabilera emango zaion eta adierazpenaren xede den ekitaldiaren amaieran zeintzuk dauden aldi baterako biltegiratuta. Datu horiekin batera, ingurumena zaintzeko programa bidaliko du, urtean urtekoa.

Hondakin arriskutsuen ekoizle gisa, artxibo elektronikoko batean, honako datu hauek jaso beharko dira, ordena kronologikoan: sortutako hondakinen kopurua, mota eta jatorria, bai eta berrerabiltzeko, birziklatzeko, beste balorizazio-eragiketa batzuk egiteko eta deuseztatzeko produktu, material edo substantzien eta horien ondoriozko hondakinen kopurua ere; eta, hala badagokio, eragiketa horien ondorioz sortutako hondakinaren helmuga, bilketaren maiztasuna, garraiobidea eta aurreikusitako tratamendu-metodoa ere inskribatuko dira, bai eta produktu, material eta substantzien helmuga ere. Artxibo kronologikoaren inskripzioak, aplikatzekoa denean, 7/2022 Legearen II. eta III. eranskinen arabera baimendutako tratamendu-eragiketa bakoitzeko egingo dira.

Ekonomia zirkularra bultzatzeko eta Hondakinei eta lurzoru kutsatuei buruzko apirilaren 8ko 7/2022 Legearen 65. artikuluan ezarritakoaren arabera, sustatzaileak, datuak jaso ondorengo urteko martxoaren 1a baino lehen eta dagokion ingurumena zaintzeko programaren barruan, artxibo kronologikoan jasotako informazioaren laburpen-memoria bat aurkeztu beharko du, zeinak lege horren XV. eranskinean agertzen den gutxieneko edukia barne hartu beharko baitu.

Urtean 10 tonatik gora hondakin arriskutsuren hasierako ekoizlea bada, apirilaren 8ko 7/2022 Legearen 18.7 artikuluari jarraituz, sustatzaileak minimizazio-plan bat izan beharko du, eta, planaren barruan, sortutako hondakin arriskutsuen kopurua eta haien arriskugarritasuna murrizteko hartuko dituen neurriak jaso beharko ditu. Plana agintaritza eskudunen eskura egongo da, eta, lau urtean behin, ekoizleak emaitzen berri eman beharko dio Ingurumen Jasangarritasuneko Sailburuordetzari. Aurreko betebeharretik salbuetsita egongo da EMAS ziurtagiria badu, edo, mota horretako hondakinak minimizatzeko neurriak barne hartzen dituen beste sistema baliokideren bat; horretarako, dagokion informazioa ingurumen-adierazpen baliozkotuan jaso beharko da.

Amiantoa duten hondakinak daudela hautemanez gero, sustatzaileak 108/1991 Errege Dekretuaren (amiantoak ingurumenean sortzen duen kutsadura saihestu eta gutxitzeari buruzkoa) 3. artikuluan ezarrita dauden eskakizunak bete beharko ditu. Era berean, amiantoa duten hondakinak kudeatzeko manipulazioak 396/2006 Errege Dekretuaren arabera egingo dira, zeinaren bidez ezartzen baitira amiantoaren eraginpean egoteko arriskua duten lanei aplika dakizkiekeen segurtasun eta osasuneko gutxieneko xedapenak.

Instalazioan sortutako hondakin arriskutsuak egoki kudeatzearen kalitatea kontrolatzea.

Apartatu honetan adierazitako agiriak ingurumen-organora bidaliko dira, transakzio elektronikoz bidez, Euskal Autonomia Erkidegoko Administrazio Orokorrek eskura jarritako kanal, sistema edo aplikazio informatikoak erabilia.

- Kudeatzaile baimenduak hondakinak onartzearen konpromiso dokumentala.
- Identifikazio-dokumentua.
- Hondakinen urteko adierazpena.
- Laburpen-memoria.
- Artxibo kronologikoa.
- Hondakin arriskutsu gutxiago sortzeko plana.

Hondakin ez-arriskutsuak.

Sustatzaileak adierazitako hondakin ez-arriskutsuak HONDAKINAK SORTZEA-BP ataleko taulan jasotakoak dira.

Hondakin horiek ezabatzeko direnean, ezin dira urtebete baino gehiagoz biltegitatuta eduki; hondakinen azken helburua balorizazioa denean, berriz, 2 urtez gorde ahal izango dira.

Oro har, kanpora eraman aurretik, hondakin guztiek izan beharko dute sinatuta tratamendu-kontratu bat kudeatzaile baimendu batekin, onarpen horretarako baldintzak zehaztuta. Hala badagokio, arrazoitu egin beharko da proposatutako kudeaketa-modua ingurumen-baimen bakar honetako hondakin-kudeaketari buruzko printzipio hierarkikoei egokitzen zaiela. Sustatzaileak erregistratu eta artxibategian gorde beharko ditu onarpen-agiriak edo haien agiri ofizial baliokideak, nahitaezkoak badira, hiru urtean gutxienez.

Hondakina zabortegira eramateko bada, hondakin ez-arriskutsua lekualdatu aurretik, jarraipen- eta kontrol-dokumentua bete beharko da. Horretarako, bete egin beharko da Hondakinak zabortegietan biltegitatuta eta betelanak eginda ezabatzea arautzen duen otsailaren 24ko 49/2009 Dekretuan xedatzen dena.

Hori hala izanik, hondakinak lekualdatzeko, identifikazio-agiri bat aurkeztu beharko da, jarraipena eta kontrola egiteko, Ekonomia zirkularra bultzatzeko eta Hondakinei eta lurzoru kutsatuei buruzko apirilaren 8ko 7/2022 Legearen 31.2 artikuluari jarraikiz.

Ekonomia zirkularra bultzatzeko eta Hondakinei eta lurzoru kutsatuei buruzko apirilaren 8ko 7/2022 Legearen 65. artikuluan ezarritakoaren arabera, sustatzaileak, datuak jaso ondorengo urteko martxoaren 1a baino lehen, artxibo kronologikoan jasotako informazioaren laburpen-memoria bat aurkeztu beharko du, zeinak arau horren XV. eranskinean agertzen den gutxieneko edukia barne hartu beharko baitu.

Urtean 10 tona hondakin ez-arriskutsu baino gehiago sortuz gero, Ekonomia zirkularra bultzatzeko eta Hondakinei eta lurzoru kutsatuei buruzko apirilaren 8ko 7/2022 Legearen 64. artikuluan ezarritakoaren arabera, sustatzaileak formatu elektronikoko artxibo kronologiko bat izan beharko du, non jasoko baitira, ordena kronologikoan, sortutako hondakinen kopurua, mota eta jatorria, bai eta berrerabiltzeko, birziklatzeko, beste balorizazio-eragiketa batzuk egiteko eta deuseztatzeko produktu, material edo substantzien eta horien ondoriozko hondakinen kopurua ere; eta, hala badagokio, eragiketa horien ondorioz sortutako hondakinaren helmuga, bilketaren maiztasuna, garraibidea eta aurreikusitako tratamendu-metodoa ere inskribatuko dira, bai eta produktu, material eta substantzien

helmuga ere. Artxibo kronologikoaren inskripzioak, aplikatzekoa denean, apirilaren 8ko 7/2022 Legearen II. eta III. eranskinen arabera baimendutako tratamendu-eragiketa bakoitzeko egingo dira. Artxibo kronologikoa hondakinen sorrera- eta kudeaketa-lanetarako exijitzen diren egiaztatze dokumentaleko informazioaz osatuko da. Fitxategi kronologiko hori gutxienez bost urtez gorde beharko da.

Instalazioan sortutako hondakin ez-arriskutsuak egoki kudeatzearen kalitatea kontrolatzea.

Apartatu honetan adierazitako agiriak ingurumen-organora bidaliko dira, transakzio elektronikoz bidez, Euskal Autonomia Erkidegoko Administrazio Orokorrek eskura jarritako kanal, sistema edo aplikazio informatikoak erabilia.

– Kudeatzaile baimenduarekin sinatutako tratamendu-kontratua.

– Jarraipen- eta kontrol-dokumentua, hondakina zabortegira eramatekoa bada.

– Hondakinak beste autonomia-erkidego batera lekualdatzeko aurkeztu beharreko identifikazio-dokumentua, hondakinak balorizatzeke nahiz ezabatzeke.

– Laburpen-memoria.

Bilgarriak merkaturatzea.

Sustatzaileak bilgarri eta enbalaje komertzial eta industrialak dituzten produktuak merkaturatzen baditu, betebeharra du ekoizlearen erantzukizun zabalaren sistema indibidual bat ezartzeko, banaka nahiz kolektiboki, abenduaren 27ko 1055/2022 Errege Dekretuaren 19. eta 20. artikuluen arabera.

Sustatzaileak produktuen ekoizleen erregistroan inskribatu beharko du, eta urtero bidali beharko du bilgarrien arloko informazioa, Bilgarriari eta bilgarri-hondakinei buruzko abenduaren 27ko 1055/2022 Errege Dekretuaren 15. eta 16. artikuluekin bat etorritik.

Baldin eta sustatzaileak urte natural batean zehar ontziratutako produktuak merkaturatzen baditu, eta horiek hondakinak sor ditzaketen industria- edo merkataritza-bilgarriak badituzte, kantitate hauetan zehaztutako mugak gaindituta:

– 250 tona, soilik beira bada.

– 50 tona, soilik altzairua bada.

– 30 tona, soilik aluminioa bada.

– 20 tona, soilik plastikoa bada.

– 20 tona, soilik zura bada.

– 15 tona, soilik kartoia edo material konposatuak badira.

– 300 tona, material bat baino gehiago badira eta haietako bakoitzak ez baditu, banaka, aurreko kantitateak gainditzen.

Prebentziorako Enpresa Plan bat prestatu beharko du. Planak bost urteko indarraldia izango du. Plana amaitutakoan, onartutako Prebentziorako Enpresa Planaren kontrol- eta jarraipen-txosten bat egingo du sustatzaileak, eta txosten hori Ingurumen Organoari igorriko zaio, ingurumena zaintzeko programaren gainerako dokumentazioarekin batera.

ATALA: LURZORUA-BO

LURZORUA ETA LURPEKO URAK BABESTEAREN INGURUKO BALDINTZA OROKORRAK

Baldin eta, EZOHIKO EGOERAK-BP atalean identifikatutako jardueran eta sektoreko araudian oinarrituta, instalazioa behartuta badago lurzoruaren egoerari buruzko txosten bat aurkeztera, urtarrilaren 14ko 9/2005 Errege Dekretuan, ekainaren 25eko 4/2015 Legean eta abenduaren 26ko 209/2019 Dekretuan (Lurzorua kutsatzea saihestu eta kutsatutakoa garbitzeko ekainaren 25eko 4/2015 Legea garatzeko) ezarritako betebeharrak betez eta txosten horretan jasotako gomendioen arabera, sustatzaileak lurzoria babesteko behar diren neurriak hartu beharko ditu, bai eta Lurzoria-BP atalean espezifikatutakoak ere.

Era berean, 209/2019 Dekretuaren arabera (209/2019 Dekretua, abenduaren 26koa, zeinaren bidez garatzen baita Lurzoria kutsatzea saihestu eta kutsatutakoa garbitzeko ekainaren 25eko 4/2015 Legea), baimenaren enpresa titularrak bere jarduera garatzen duen lurzoruaren egoera-txostenak aurkeztu beharko dizkio Ingurumen Jasangarritasuneko Sailburuordetzari, dekretuaren 19. artikuluan eta VII. eranskinean zehaztutako aldizkakotasunarekin eta irismenarekin, aurretiazko txostena aurkezteko ezarritako bitarte bera erabilia.

Lur-mugimenduak.

Sustatzaileak baldintza hauek bete beharko ditu instalazioetan egindako aldaketek eragindako lur-mugimenduei dagokienez:

1.– Aurreikusten bada aldaketaren bat egin behar dela instalazioa baimenduta dagoen lurzatiaren barruan, eta aldaketa horren ondorioz lurak mugitu behar badira:

a) Ekainaren 25eko 4/2015 Legearen 25. artikuluko 1.c apartatuan xedatutakoari jarraikiz, induskatu beharreko materialak (lurrak, eraiste-hondakinak eta abar) karakterizatu egin beharko ditu jardueraren sustatzaileak, ekintza kutsatzaileen ondorioz erasan zaien ala ez egiaztatzearen, eta, karakterizazio horren emaitzen arabera, horiek kudeatzeko modu egokiena zehaztearen.

b) Jarduketa horretan aurreikusten bada induskatu beharreko materialen bolumena 500 m³-tik gorakoa dela (zolatak barne), edo jarduketa egin bitartean gainditze hori antzemango balitz, nahitaezkoa izango da indusketa selektiborako plan bat aurkeztea, lurzoruaren kalitatea ikertzeko eta oneratzeko akreditatutako entitate batek egindakoa. Indusketa-planak abenduaren 26ko 209/2019 Dekretuaren IV. eranskinean adierazitako edukia jaso beharko du, eta ingurumen-organoak onetsi beharko du, gauzatu aurretik.

c) Induskatu beharreko bolumena 500 m³-tik beherakoa bada, aldaketaren jakinarazpenak informazio hau jaso beharko du:

– Jarduketa sustatzen duen pertsona fisiko edo juridikoaren eta jarduketa gauzatuko duen kontratistaren identifikazioa.

– Jarduketak ukituko duen lekuaren kokapen-datuak, Lurzoruaren Kalitatearen Administrazio Erregistroaren erreferentzia barne hartuta.

– Jarduketaren xede den eremuaren mugaketa eta azalera. Jakinarazpenean, lurzatia eta jarduketa-eremua zehatz-mehatz non dauden jakitea ahalbidetzen duten planoak erantsiko dira.

– Jarduketaren deskribapen xehatua.

– Induskatuko diren materialen bolumena, zolatak barne.

– Ingurumen-jarraipenerako lanen eta azken txostena egitearen arduradunaren identifikazioa; artikulua honetan aipatutako kasuetan, entitate egiaztatua izan beharko du.

– Jarduketa hasteko aurreikusitako datak.

d) Aurreko kasuetako edozeinetan, obra egin ondoren, azken txostena bidali beharko du. Bertan, lurren karakterizazioaren emaitzak adierazi beharko dira; horrez gain, induskatutako materialen berrerabilera edo kudeaketa egokia egiaztatzeko txosten bat ere bidali beharko da. Indusketaren bolumena 100 m³-tik gorakoa bada, entitate egiaztatu batek egingo ditu ingurumen-jarraipenerako lanak eta txostena.

e) Arau orokor gisa, «Kutsatutako lurzoruetan indusketa selektiboak egiteko gidan» jasotzen diren irizpideak beteko dira. Esteka honetan eskura daiteke gida:

https://www.ihobe.eus/eu/kutsatutako_lurzoruetan_indusketa_selektiboak_egiteko_gida

f) Soberakinak hondakindegian biltegitratuz hustu nahi izanez gero, otsailaren 24ko 49/2009 Dekretuan (hondakinak hondakindegietan biltegitratuta eta betelanak eginda ezabatzea arautzen duena) ezarritakoari jarraikiz egingo da hondakinen karakterizazioa. Oro har, laginketa egiteko, abenduaren 26ko 209/2019 Dekretuaren IV. eranskinean eta gidaren 10.2.6 apartatua («Induskatu behar diren lurzoruetan in situ egindako laginketa») biltzen diren induskatu beharreko materialen karakterizazio-kanpaina diseinatzean kontuan hartu behar diren oinarriko irizpideei jarraituko zaie.

g) Soberako materialak instalazio berean berrerabili ahal izateko, balio hau izan beharko dute material horiek: Lurzorua kutsatzea saihestu eta kutsatutakoa garbitzeko ekainaren 25eko 4/2015 Legearen ezarritako B-EBA (industria-erabilera) balioaren azpikoa. Horrez gain, lur horien hidrokarburo-edia ezin izango da arriskutsua izan. Horretarako, entitate egiaztatu batek egin beharko ditu laginketa eta analisia, honen arabera: 199/2006 Dekretua, urriaren 10ekoa, Lurzoruaren kalitatea ikertu eta berreskuratzeko entitateak egiaztatuzko sistema ezartzen duena, eta entitate horiek lurzoruaren kalitatearen gainean egindako ikerketen edukia eta norainokoa zehazten dituen.

h) Ekainaren 25eko 4/2015 Legearen xedatutako A-EBA ebaluazioko balio-adierazleak eta TPHetarako 50 mg/kg baino balio txikiagoak lortzen dituzten lurak lur garbitzat hartuko dira, eta beraz, onartu egingo dira baimendutako edozein betelanetarako.

i) Substratu harritsu osasuntsua murrizketarik gabe kudeatu ahal da. Lurzoru naturalaren parekoa den substratu harritsu meteorizatuaren kasuan, aurreko puntuetan ezarritako irizpidea beteko da.

2.– Instalazioa baimenduta dagoen lurzatitik kanpo aldaketaren bat egitea aurreikusi bada (lurzoru berria okupatu), eta okupatu nahi den lurzoru berriak lehenago izan badu ekainaren 25eko 4/2015 Legearen I. eranskinean aipatutako jardueraren bat, sustatzaileak lurzoruaren arloko adierazpen bat lortu beharko du egin nahi diren aldaketak egiten hasi aurretik.

Horrez gainera, ekainaren 25eko 4/2015 Legearen 22. artikulua 2. apartatua xedatutakoaren arabera, lurraren kutsadura-aztarnak aurkitzen badira, horren berri eman beharko zaie dagokion udalari eta Ingurumen Jasangarritasuneko Sailburuordetzari, sailburuordetza horrek hartu beharreko neurriak ezar ditzan, aipatutako 4/2015 Legearen 23. artikulua 1.e apartatua xedatutakoa betez betiere.

2025eko irailaren 17a, asteazkena

ATALA: ZARATA-BO

ZARATARI BURUZKO BALDINTZA OROKORRAK

ZARATA-BP atalean ezarritako indize akustikoak ez gainditzeko beharrezkoak diren neurriak ezarriko dira.

Zamalanetako jarduerak eta materialak kamioietan garraiatzeko jarduerak egitean sortzen den zarata ezingo da izan sentikortasun akustiko handieneko eremuetako ingurumen-maila baino askoz handiagoa.

Zarataren kontrola.

Neurketa bidezko ebaluazio guztiak II. mailako ingurumen-lankidetzako entitate batek egin beharko ditu, bat etorri urriaren 16ko 212/2012 Dekretuan ezarritakoarekin. Entitate horrek UNE-EN ISO/IEC 17025 arauaren arabera akreditazioa eduki beharko du akustikaren arloan espazio- eta denboralaginketa egiteko. Nolanahi ere, ingurumen-organoak zainduko du ebaluazio horiek egiten dituzten entitateek gaitasun tekniko egokia dutela.

Ebaluazio-metodoak eta -prozedurak eta ebaluazio horiei buruzko txostenak ingurumen-organo honek emandako jarraibide teknikoetan ezarritakora egokituko dira.

ATALA: INGURUMENA ZAINTEZKO PROGRAMA-BO

INGURUMENA ZAINTEZKO PROGRAMARI BURUZKO BALDINTZA OROKORRAK

Emaitzak kontrolatzea eta bidaltzea.

Ingurumena zaintzeko programa osatzen duten txostenen eta azterketen emaitzak behar bezala erregistratu behar dira, eta Ingurumen Sailburuordetzara bidali, Industria, Trantsizio Energetiko eta Jasangarritasun Sailak ezarritako entrega-prozedura telematikoari jarraikiz.

Hala, aipatutako programak zehaztutako aldi egiten diren kontrol guztiak, ibilgura edo itsasora isuritako urei dagozkienak izan ezik, ingurumena zaintzeko programarekin batera bakarrik aurkeztuko dira, erreferentziako urtea amaitu ondoren.

Ezarritako baldintzak urratzen diren kasuetan bakarrik bidali beharko da berehalako jakinarazpena Ingurumen jasangarritasuneko Sailburuordetzara, gertatutakoaren berri izan ondoren, prebentzio-neurriei eta egoera normalez bestelakoetan funtzionatzeko baldintzei buruzko baldintza partikularren apartatuetan ezarritakoari jarraikiz.

Horrez gain, urtean behin baino gehiagotan egiten diren kontrolak kontrola egiten den urteari dagokion programaren barruan baino ez dira bidaliko.

Bidalketa hori urtean behin egingo da, betiere martxoaren 31 baino lehen.

ATALA: EZOHIKO EGOERAK-BO

PREBENTZIO-NEURRIEI ETA OHIKO EGOEREZ BESTELAKOETAN FUNTZIONATZEKO
BALDINTZEI BURUZKO BALDINTZA OROKORRAK

Instalazioa geldiarazteko eta martxan jartzeko eragiketak eta mantentze-lanen eragiketa programatuak.

Programatutako urteko mantentze-lanei dagokienez, sortuko diren emisioen eta hondakinen estimazioa egin beharko du enpresak, eta, dagokionean, haiek kudeatzeko eta tratatzekoa ere bai.

Instalazioa geldiaraztean nahiz martxan jartzean, mantentze-eragiketetan eta ezohiko egoeretan sortutako hondakinak HONDAKINAK SORTZEA-BO eta HONDAKINAK SORTZEA-BP ataletan ezarritakoaren arabera kudeatu beharko dira.

Jarduera etetea.

Jarduerari lege hauek aplikatu behar zaizkio: 4/2015 Legea, ekainaren 25ekoa, lurzorua kutsatzea saihestu eta kutsatutakoa garbitzekoa, eta 9/2005 Errege Dekretua, urtarrilaren 14koa, kutsadura sor dezaketen jardueren zerrenda eta lurzoru kutsatuen adierazpenerako irizpide eta estandarrak ezartzekoa. Horrenbestez, sustatzaileak jarduera uztearen berri eman beharko dio ingurumen-organuari, bi hilabeteko epea agortu baino lehen; jakinarazpen horrekin batera, jarduketa-proposamen bat ere aurkeztu beharko da, organo horrek ezar dezan noraino iristen diren haren betebeharrak eta lurzoruaren kalitatea deklaratzeko prozedura hasteko epea noiz hasiko den beranduenez, ekainaren 25eko 4/2015 Legearen 31.3 artikuluan xedatutakoari jarraikiz.

Arauari dagokion jarduera-kodea EZOHIKO EGOERAK-BP atalean ezartzen da.

Jarduera eten baino lehen, sustatzaileak instalazioetan dauden hondakin guztiak kudeatu beharko ditu, HONDAKINAK SORTZEA-BO eta HONDAKINAK SORTZEA-BP ataletan ezarritakoari jarraikiz.

Jarduera aldi baterako etetea.

Jarduera aldi baterako etetea jakinaraziz gero, sustatzaileak, aldi baterako etetearen jakinarazpenarekin batera, agiri bat bidali beharko du instalazioa jarduerarik gabe egonda ere aplikagarriak zaizkion ingurumen-baimen bakarreko kontrolak eta eskakizunak nola beteko dituen adierazteko.

Era berean, jarduerari berrekin baino lehen, instalazioen funtzionamendu egokia ziurtatu beharko da, ingurumenean eragina duen isurketa edo emisio oro saihesteko.

Ezohiko funtzionamendua denean aplikatzeko prebentzio-neurriak eta jarduketak.

Aurkeztutako dokumentazioan jasotako proposamenean zehaztuta dauden ohiko egoerez bestelakoetan aplikatu beharreko prebentzio-neurriez eta funtzionamendu-baldintzez gain, honako apartatu hauetan aipatzen diren baldintzak ere bete beharko dira:

Instalazioen prebentziozko mantentzea.

Prebentzioko mantentze-lanen eskuliburua eduki beharko da instalazioen egoera ona bermatzeko, batez ere istripuz isuriak edo ihesak daudenean, kutsadura ekiditeko eskuragarri dauden baliabideei eta ezarritako segurtasun-neurriei dagokienez. Ihesak daudenean lurzorua babesteko hartu beharreko neurriak zehaztuko dira, eta zehatz adieraziko da honako hauei dagokien guztia: eraikuntzako materialak (iragazgaitasuna), biltegitzeko neurri bereziak (substantzia arriskutsuak), gerta litezkeen ihesei antzemateko neurriak edo gehiegizko betetzeaz ohartarazteko alarma-sistemak, lantegiko kolektore-sarea zaindu eta garbitzekoak (sistematikoki garbitu beharra, maiztasuna, garbiketa mota) eta lurzoru gaineko isuriak biltzeko sistemak.

Aurreko lerrokadan adierazitako eskuliburuak ikuskaritza eta kontrolerako programa bat jaso beharko du, hauek bilduko dituena: estankotasun-probak, mailen eta adierazleen egoera, balbulak, presioa arintzeko sistema, hormen egoera eta lodieren neurketa, tangen barnealdearen begizko ikuskapenak (hormena eta estaldurena) eta kubetutako detekzio-sistemen aldizkako kontrol sistematikoa, lurzorua kutsa dezakeen edozein egoerari aurrea hartzeko.

Era berean, hainbat neurri jaso beharko dira, atmosferara egindako emisioak eta uretara egindako isurketak prebenitzeko eta zuzentzeko sistemen (arazketa, minimizazioa eta abar) eta ikuskatu eta kontrolatzeko ekipoen egoera ona bermatzeko.

Pabilioen barruan zolak garbitzean sortutako urak tratamendu-lerrora bidaliko dira edo, bestela, kudeatzaile baimendu batek kudeatuko ditu.

Arazketa-instalazioetan, hondakin-urak ezingo dira bypass bidez isuri.

Programatutako mantentze-lanetan nahitaez egin behar badira bypass bidezko isurketak, titularrak ingurumen-organo honi jakinaraziko dio aurretiaz, segurtasun-neurrien eta isurketak ingurune hartzailearen kalitatearen gainean duen eragina ahal den neurrian gutxitzeko neurrien funtzionamendua zehaztuz. Bypass horretan aurreikusi gabeko isurketaren bat gertatzen bada, titularrak segurtasun-neurrien funtzionamendua akreditatu beharko du, dagokion txostena ingurumen-organo honi bidalita (apartatu honetako «Gorabeheraren bat gertatuz gero, agintariei jakinaraztea» puntuan adierazitakoari jarraituz).

Era berean, ustiapenari buruzko eskuliburu bat eduki behar da, eta bertan, aldizka egindako mantentze-lanen berri eman behar da, baita antzemandako gorabeheren berri ere.

Besteak beste erabilitako olioak, efluenteen arazketako hondakinak eta, oro har, fabriketan sortutako hondakinak maneiatzean, kutsatu egin litezke lurzorua eta ura. Beraz, isurketak, jarioak edo ihesak gertatzeko arriskua duten partzelen azalera guztiak irazgaiztu egingo dira.

Hauts-itxurako produktuak biltegitratzeko, zulo itxiak edo hautsa xurgatzeko sistemak dituzten pabiloi estali eta itxiak eduki beharko dira.

Prozesurako behar diren lehengai, erregai eta produktuak ingurunean ez sakabanatzeko moduan biltegitratuko dira.

Segurtasun-tarteei eta babes-neurriei dagokienez, biltegitratzeko instalazio horiek produktu kimikoak biltegitratzeari buruz indarrean dagoen araudian ezarritako betebeharrak bete beharko dituzte.

Larrialdirik gertatuz gero, berehala eta eraginkortasunez esku hartzeko beharrezkoa den material guztia edukiko da, hau da: berriro ontziratzeke erreserbako edukiontzia, beharrezkoa izanez gero; gerta daitezkeen isuriei eusteko produktu xurgatzaile selektiboak, segurtasuneko edukiontzia, hesiak eta kaltetutako ingurunean isolatzeko seinaleztapen-elementuak eta babes pertsonalerako ekipa bereziak.

Kubetak husteko eragiketak kontrolatzeko balio duen protokolo edo prozedura dokumentatu bat izango dute, eta saiatu behar dira efikaziari eragin diezaioketen isuriak tratamendu-instalaziora joan ez daitezen.

Gorabeheren bat izanez gero agintariei jakinaraztea.

Ingurunearen gainean edo jardueraren kontrolaren gainean kalteak eragin ditzakeen gorabehera edo ezohiko gertaera baten aurrean, sustatzaileak berehala eman beharko dio gorabehera edo ezohiko gertaera horren berri ingurumen-organoari –dagozkion zuzenketa- edo euste-neurriak hartu ondoren betiere–, horretarako ezarritako helbide elektroniko hauek baliatuz: aau@euskadi.eus eta inspeccionambiental@euskadi.eus. Jakinarazpenean, alderdi hauek adierazi beharko dira gutxienez:

- Gorabehera mota.
- Jatorriak eta kausak (unean zehaztu daitezkeenak).
- Berehala aplikatu diren zuzenketa- edo euste-neurriak.
- Sortutako ondorioak.
- Epe laburrera aurreikusitako jarduketak, halakorik egonez gero.

Gorabehera edo arazo larriren bat izanez gero, eta istripuz isurketa edo emisioen bat izaten den guztietan, berehala jakinarazi beharko zaie SOS Deiak zerbitzuari eta instalazioa non dagoen kontuan hartuta dagokion udalari. Ondoren, gehienez ere 48 orduko epean, istripuaren ondorioz sortutako egoera zehatz-mehatz jasotzen duen txosten bat bidali beharko zaio ingurumen-organoari. Txosten horretan, datu hauek agertuko dira gutxienez:

- Gorabehera mota.
- Gorabehera non, zergatik eta zer ordutan gertatu zen.
- Gorabeheraren iraupena.
- Istripuz isurketarik gertatuz gero, emaria eta isuritako gaiak eta ingurune hartzailean antzeman daitekeen eragina zehaztu beharko dira, haren analisisia barne hartuta.
- Mugak gaindituz gero, emisioei buruzko datuak.
- Eragindako kalteen balioespena.
- Hartutako zuzenketa-neurriak.
- Ezohiko gertaera berriro ez gertatzeko prebentzio-neurriak.
- Prebentzio-neurri horiek eraginkortasunez aplikatzeko aurreikusitako epeak.

Baimeneko baldintzak urratzen dituen isurketa gertatzen bada eta, gainera, pertsonen osasunerako arriskutsua bada edo sistema naturalen oreka modu larrian kaltetu badezake, titularrak berehala etengo du isurketa hori; gainera, horren berri eman beharko die Euskal Autonomia Erkidegoko Administrazioako Uraren Euskal Agentziari eta babes zibilean zein ingurumenaren arloan ardurak dituzten organismoek, baita SOS Deiak (112) larrialdi-zerbitzuei ere, behar diren neurriak hartu ditzaten.

Larrialdi-egoeretan, babes zibilari buruzko araudian ezarritakoa bete beharko da, eta araudi horretan ezarritako eskakizun guztiak bete beharko dira.